









古文奇賞卷之十

東漢學者之文

古吳陳仁錫選評 仁和郎奎金重訂

論衡

王充

蔡中郎得此書秘不示人朕其文垂數十萬言覽者絕少余于戊午三伏擁灯快讀選奇而出之大都為戒虛妄作好著書者豈不汗溢

故為善于不欲得善之主雖善不見愛為不善于欲得不善之主雖不善不見憎作無益之能納無補之說以夏進鑪以冬奏扇為所不欲得之事獻所不欲聞之語其不遇禍幸矣不求自至不作自成是名為遇猶拾遺于塗據棄于野若天授地生鬼助神輔禽息之精陰慶鮑叔之魂默舉若是者乃遇耳逢孟賁之尸人不刃者氣絕也死灰百斛人不沃者



光滅也。動身章智。顯光氣於世。奮志敖黨。立卓異於俗。固常通人所讒嫉也。篇累害海外三十五國有毛民。羽民。羽則翼矣。毛羽之民。土形所出。非言爲道。身生毛羽也。禹益見西王母。不言有毛羽。不死之民亦在。外國不言有毛羽。毛羽之民。不言不死。不死之民。不言毛羽。毛羽未可以效不死。仙人之有翼。安足以驗長壽乎。篇無形夫令雄雀施氣于鴈鵠。終不成子者。何也。鳩雀之身小。鴈鵠之形大也。今燕之身不過五寸。慧莎之莖不過數尺。二女吞其卵。實安能成七尺之形乎。爍一鼎之銅。以灌一錢之形。不能成一鼎。明矣。



壓倒俗論

爲李子分  
疏太煩然  
于此每不  
放過亦其  
尚論之密  
也

今謂大人天神故其跡巨。巨跡之人一鼎之爍銅也。  
姜原之身一錢之形也。黃帝帝嚳帝顓頊帝舜之  
母何所受氣。文王武王周公孔子之母何所感。吾此  
或時見三家之姓曰姒氏子氏姬氏則因依放空生  
怪說猶見鼎湖之地而著黃帝升天之說矣。奇怪篇  
子不負死者棄其寶劍何嫌一叱生人取金于地。季  
子未去吳乎公子也已去吳乎延陵君也。公子與君  
出有前後車有附從不能空行于塗明矣。既不耻取  
金何難使左右而煩披裘者。世稱柳下惠之行言其  
能以幽冥自修潔也。賢者同操故千歲交志置季子



三喻最切

錢湯之沸  
亦濤

畏之濤不  
息英氣亦

於冥昧之處尚不取金況以白日前後備具取金于  
路非季子之操也夫言吳王殺子胥投之于江實  
也言其恨恚驅水爲濤者虛也屈原懷恨自投湘江  
湘江不爲濤申徒狄蹈河而死河水不爲濤世人必  
曰屈原申徒狄不能勇猛力怒不如子胥夫衛蘊子  
路而漢烹彭越子胥勇猛不過子路彭越然二士不  
能發怒于鼎鑊之中以烹湯蘊汁瀋澹旁人子胥亦  
自先入鑊乃入江在鑊中之時其神安居豈怯于鑊  
湯勇于江水哉人若恨恚也仇讐未死子孫遺在  
可也今吳國已滅夫差無類吳爲會稽立置太守子



不  
必  
辨

胥之神復何怨苦爲。濤不止欲何求索。秦始皇渡

湘水遭風問湘山何祠左右對曰堯之女舜之妻也

始皇大怒使刑徒三千人斬湘山之樹而履之夫謂

子胥之神爲濤猶謂二女之精爲風也。書虛篇景公出

三善言延年二十一歲是則堯舜宜獲千歲桀紂宜

爲殤子今則不然各隨年壽堯舜桀紂皆近百載是

竟子韋之言妄延年之語虛也。且子韋之言曰熒惑

天使也。心宋分野也。禍當君若是者天使熒惑加禍

於景公也。如何可移於將相若歲與國民乎。變虛篇傳

書言武王伐紂渡孟津陽侯之波逆流而擊疾風晦



真人馬不見于是武王左操黃鉞右執白旄瞋目而  
麾之曰余在天下誰敢害吾者于是風霽波罷此言  
乃虛也武王誅紂是乎天當安靜以祐之如誅紂  
非乎而天風者怒也武王不奉天令求索已過瞋目  
言曰余在天下誰敢害吾者重天怒增已之惡也風  
何肯止父母怒子不改過瞋目大言父母肯貫之乎  
如風天所爲禍氣自然是亦無知不爲瞋目麾之故  
止傳書言魯襄公與韓戰戰酣日暮公援戈而麾  
之曰爲之反三舍此言虛也凡人能以精誠感動天  
專心一意委務禎神精通于天天爲變動然尚未可



謂然襄公志在戰爲日暮一麾安能令日反使聖人  
麾妙日日終不反襄公何人而使日反乎夫人哭悲  
莫過雍門子雍門子哭對孟嘗君孟嘗君爲之於邑  
蓋哭之精誠故對嚮之者悽愴感動也夫雍門子能  
動孟嘗之心不能感孟嘗衣者衣不知惻但不以人  
心相關通也今城土也土猶衣也無心腹之藏安能  
爲悲哭感慟而崩使至誠之聲能動城土則其對林  
木哭能折草破木乎嚮木火而泣能涌水滅火乎夫  
草木水火與土無異然杞梁之妻不能崩城明矣  
夫萬人舉口並解吁嗟猶未能感天鄒衍一人寃而



只是不服  
等語

壹歎安能下霜鄒衍之冤不過曾子伯奇曾子見疑  
而吟伯奇被逐而歌疑與拘同吟歌與歎等曾子伯  
奇不能致寒鄒衍何人獨能雨霜被逐之冤尚未足  
言申生伏劍子胥刎頸實孝而賜死誠忠而被誅且  
歸死時皆有聲辭聲辭出口與仰天歎無異天不爲  
二子感動獨爲鄒衍動豈天痛見拘不悲流血哉  
夫燠一炬火寒一鑊水終日不能熱也倚一尺冰置  
庖厨中終夜不能寒也何則微小之感不能動大巨  
也今鄒衍之歎不過如一炬尺冰而皇天巨大不待  
鑊水庖厨之醜類也妙解如環一仰天歎天爲隕霜何天之易



感霜之易降也。夫哀與樂同喜與怒均。衍興怨痛使  
天下霜使衍蒙非望之賞。仰天而笑能以冬時使天  
熱乎。或時奏清角。時天偶風雨。風雨之後。晉國適  
旱。平公好樂喜笑過度。偶發癰病。傳書之家信以爲  
然。世人觀見遂以爲實。實者樂聲不能致此。何以驗  
之。風雨暴至是陰陽亂也。樂能亂陰陽則亦能調陰  
陽也。王者何須修身正行。擴施善政。使鼓調陰陽之  
曲和氣自至太平自立矣。○亦○有○風○起○使賢者處深野之中。閭  
虻能不入其舍乎。閭虻不能避賢者之舍。蝗蟲何能  
不入卓公之縣。如謂蝗蟲變與閭虻異。夫寒溫亦災。



變也。使一郡皆寒。賢者長一縣。一縣之界能獨溫乎。夫寒溫不能避。賢者之縣。蝗蟲何能不入。卓公之界。

感虛篇

世稱紂力能索鐵伸鉤。又稱武王伐之。兵不血

刃。夫以索鐵伸鉤之力。常人則是。孟賁夏育之匹也。以不血刃之德。取人。是則三皇五帝之屬也。以索鐵之力。不宜受服。以不血刃之德。不宜頓兵。今稱紂力。則武王德貶。譽武王。則紂力少。索鐵不血。刃不得兩立。傳語曰。紂沉湎于酒。以糟爲丘。以酒爲池。牛飲者。三千人爲長夜之飲。亡其甲子。夫紂雖嗜酒。亦欲以爲樂。令酒池在中庭乎。則不當言爲長夜之飲。坐



深室之中。閉窓舉燭。故曰長夜。今坐于室乎。每當  
飲者起之中庭。乃復還坐。則是煩苦相踏。藉不能甚。  
樂令池在深室之中。則三千人宜臨池坐前。悅飲池  
酒。仰食肴膳。倡樂在前。乃爲樂耳。夫三公鼎足之  
臣。王者之貞幹也。白屋之士。閭巷之微賤者也。三公  
傾鼎足之尊。執贄候白屋之士。非其實也。語增篇夫九  
鼎無能辟除。傳言能辟神姦。是則書增其文也。世俗  
傳言周鼎不繫。自沸不投物。物自出此。則世俗增其  
言也。儒書增其文也。儒增篇光武皇帝之時。郎中汝南  
賁光上書言孝文皇帝時。居明光宮。天下賢俊三人



頌美文帝陳其效實光武皇帝曰孝文時不居明光宮斷獄不三人積善修德美名流之是以君子惡居下流夫貢光上書于漢漢爲今世增益功美猶過其實況上古帝王久遠賢人從後褒述失實離本獨已多矣不遭光武論千世之後孝文之事載在經藝之上人不知其增居明光宮斷獄三人而遂爲實事也

藝增篇

清濁貪廉各有操行猶草木異質不可復變易

也。狂譎華士不仕于齊猶段干木不出于魏矣。性行

清廉不貪富貴非時疾世義不苟仕雖不誅此人此

人行不可追也。是之謂人無性行。



草木無質也。太公誅二子，使齊有二子之類，必不。二子見誅之故，不清其身，使無二子之類，雖養之終無其化。堯不誅許，由唐民不皆櫟；處武王不誅伯夷，周民不皆隱；餓魏文侯，式段干木之閭，魏國不皆闔。門由此言之，太公不誅二子，齊國亦不皆不仕。何則？清廉之行人，所不能爲也。夫執不仕者，未必有正罪也。太公誅之，如出仕未有功，太公肯賞之乎？賞須功而加，罰待罪而施。使太公不賞出仕未有功之人，則其誅不仕未有罪之民，非也。周公聞太公誅二子，非而不是，然而身執贄以下白屋之士，白屋之士。



二子之類也。周公禮之。太公誅之。二子之操孰爲是者。宋人有御馬者。不進拔劍剄而棄之于溝中。又駕一馬。馬又不進。又剄而棄之于溝。若是者三。以此威馬至矣。然非王良之法也。王良登車。馬無罷驚。堯舜治世。民無狂悖。王良馴馬之心。堯舜順民之意。人同性。馬殊類也。王良能調殊類之馬。太公不能率同性之士。然則周公之所下白屋。王良之馴馬也。太公之誅二子。宋人之剄馬也。舉王良之法。與宋人之操。使韓子平之。韓子必是王良而非宋人矣。王良全馬。宋人賊馬也。馬之賊則不若其全。然則民之死不若其



生使韓子非王良自同于宋人賊善人矣如非宋人  
宋人之術與太公同非宋人是太公韓子好惡無定  
矣。水之性勝火如裹之以釜水煎而不得勝必矣。  
夫君猶火也臣猶水也法度釜也火不求水之姦君  
亦不宜求臣之罪也。非韓篇夫文吏能破堅理煩不能  
守身身則亦不能輔將儒生不習于職長于匡救將  
相傾側諫難不懼案世間能建蹇蹇之節成三諫之  
議令將檢身自勅不敢邪曲者率多儒生阿意苟取  
容幸將欲放失低嘿不言者率多文吏。儒者寂于  
空室文吏譁于朝堂材能之士隨世驅馳節操之人



守隘屏窺。驅馳日以巧。屏窺日以拙。非材頓知不及也。希見闕爲不狎習也。蓋足未嘗行。堯禹問曲折目。未嘗見孔墨問形象。齊部世刺繡。恒女無不能。襄邑俗織錦。鈍婦無不巧。日見之日爲之手。卻也使材士未嘗見巧。女未嘗爲異事。詭手暫爲卒。睹顯露易爲者。猶憤憤焉。法令漢家之經。吏議決焉。事定于法。誠爲明矣。曰夫五經亦漢家之所立。儒生善政大義。皆出其中。董仲舒表春秋之義。稽合于律。無乖異者。程材學士簡練于學。成熟于師。身之有益。猶穀成飯。篇食之生肌腴也。銅錫未採在衆石之間。工師鑿掘。



橐鑄鑠乃成器未更鑄橐名曰積石積石與彼路畔之瓦山間之礫一實也故夫穀未舂蒸曰粟銅未鑄鑠曰積石人未學問曰矇量知篇人有知學則有力矣

文吏以理事爲力而儒生以學問爲力或問楊子雲曰力能扛鴻鼎揭華旗知德亦有之乎荅曰百人矣夫知德百人者與彼扛鴻鼎揭華旗者爲料敵也夫壯士力多者扛鼎揭旗儒生力多者博達疏通故博達疏通儒生之力也舉重拔堅壯士之力也孔子周世多力之人也作春秋刪五經秘書微文無所不定山大者雲多泰山不崇朝辨雨雨天下夫然則賢



者有雲雨之知故其吐文萬牒以上可謂多力矣。世  
稱力者常褒烏獲然則董仲舒楊子雲文之烏獲也。  
秦武王與孟說舉鼎不任絕脉而死。少文之人與董  
仲舒等。涌胸中之思。必將不任。有絕脉之變。王莽之  
時省五經章句皆爲二十萬。博士弟子郭路夜定舊  
說。死于燭下。精思不任。絕脉氣滅也。顏氏之子已曾  
馳過孔子于塗矣。劣倦罷極。髮白齒落。夫以庶幾之  
材。猶有仆頓之禍。孔子力優顏淵。不任也。才力不相  
如。則其知思不相及也。桓公九合諸侯。一匡天下。  
管仲之力。管仲有力。桓公能舉之。可謂壯彊矣。吳不



以知爲力  
進一層

能用子胥。楚不能用屈原。二子力重。兩主不能。舉物不勝。委地而去可也。時或恚怒。斧斲破敗。此則子胥屈原所取害也。鑿所以入木者槌叩之也。鍾所以能振地者踴躍之也。諸有鋒刃之器。所以能斲斬割削者。手能把握之也。力能推引之也。韓信去楚入漢。項羽不能安。高祖能持之也。能用其善。能安其身。則能量其力。能別其功矣。樊鄴有攻城野戰之功。高祖行封先及蕭何。則比蕭何于獵人。同樊鄴于獵犬也。夫蕭何安坐樊鄴。馳走封不及馳走而先安坐者。蕭何以知爲力。而樊鄴以力爲功也。蕭何所以能



以仁義爲  
力又進一  
層

使樊鄴者以入秦收歛文書也。衆將拾金何獨掇書。  
坐知秦之形執是以能圖其利害衆將馳走者何驕。  
之也。故叔孫通定儀而高祖以尊。蕭何造律而漢室  
以寧。案儀律之功重于野戰。斬首之力不及尊主。故  
夫墾草殖穀農夫之力也。勇猛攻戰士卒之力也。構  
架斲削工匠之功也。治書定簿佐史之力也。論道議  
政賢儒之力也。人生莫不有力所以爲力者或尊或  
卑。孔子能舉非門之關不以力自章。知夫筋骨之力  
不如仁義之力榮也。效力篇夫閉心塞意不高瞻覽者。  
死人之徒也哉。孝武皇帝時燕王旦在明光宮欲入



所○以○戶○三○百○盡○閉○使○持○者○二○十○人○開○戶○戶○不○開○其○後○  
旦○坐○謀○反○自○殺○夫○戶○閉○燕○王○旦○死○之○狀○也○死○者○齒○事○  
也○故○以○閉○塞○爲○占○齊○慶○封○不○通○六○國○大○夫○會○而○賦○詩○  
慶○封○不○曉○其○後○果○有○楚○靈○之○禍○也○夫○不○開○通○于○學○者○  
尸○尚○能○行○者○也○亡○國○之○社○屋○其○上○柴○其○下○者○示○絕○于○  
天○地○春○秋○薄○社○周○以○爲○城○夫○經○藝○傳○書○人○當○覽○之○猶○  
社○當○通○氣○于○天○地○也○故○人○之○不○通○覽○者○薄○社○之○類○也○  
是○故○氣○不○通○者○彊○壯○之○人○死○榮○華○之○物○枯○故○器○空○  
無○實○飢○者○不○顧○胸○虛○無○懷○朝○廷○不○御○也○劍○伎○之○家○闔○  
戰○必○勝○者○得○曲○城○越○女○之○學○也○兩○敵○相○遭○一○巧○一○拙○



故曰含血  
之重無餘  
死之愚皆  
能以知求  
寧飲食也

其必勝者有術之家也孔墨之業賢聖之書非徒曲  
城越女之功也成人之操益人之知非徒戰鬪必勝  
之策也故劍伎之術有必勝之名賢聖之書有必尊  
之聲東成令董仲綬知爲儒臯海內稱通故其接  
人能別竒律是以鍾離產公以編戶之民受圭璧之  
敬知之明也故夫能知之也凡石生光氣不知之也  
金玉無潤色別通篇近世劉子政父子楊子雲桓君山  
其猶文武周公並出一時也其餘直有往往而然譬  
珠玉不可多得以其珍也故夫能說一經者爲儒生  
博覽古今者爲通人采掇傳書以上書奏記者爲文



超而又超  
即子評論  
清文有超  
絕之意

其胸中之  
是則虛妄  
之語多論  
衡所以作

人能精思著文連結篇章者爲鴻儒故儒生過俗人  
人勝儒生文人踰通人鴻儒超文人故夫鴻儒所  
超而又超者也儒生說名於儒門過俗之遠也  
或不能說一經教誨後生或帶徒聚衆說論洞溢稱  
爲經明或不能成牘治一說或能陳得失奏便宜言  
應經傳文如星月其高弟若谷子雲唐子高者說書  
于牘奏之上不能連結篇章或抽列古今紀著行事  
若司馬子長劉子政之徒累積篇第文以萬數其過  
子雲子高遠矣然而因成紀前無胸中之造若夫陸  
賈董仲舒論說世事由意而出不假取于外然而淺



露易見觀讀之者猶曰傳記楊成子長作樂經楊子  
雲作太玄經造于助思極宵冥之深非庶幾之才不  
能成也王公子問于栢君山以楊子雲君山對曰漢  
興以來未有此人君山差才可謂得高下之實矣  
繁文之人人之傑也有根株于下有榮葉于上有實  
核于內有皮殼于外文墨詞說士之榮葉皮殼也實  
誠在胸臆文墨著竹帛外內表裏白相副稱意奮而  
筆縱故文見而實露也人之有文也猶禽之有毛也  
毛有五色皆生于體苟有文無實是則五色之禽毛  
妄生也選士以射心平体正執弓矢審固然後射中



屈原有其  
上大爲吐  
氣余首屈  
大人而自  
宋玉以下  
皆不錄正  
以屈子在

論說之出猶弓矢之發也。觀谷末之陳說唐林之  
直言劉向之切議以知爲本筆墨之文將而送之豈  
徒雕文飾辭苟爲華葉之言哉。精誠由中故其文語  
感動人深是故魯連飛書燕將自殺鄒陽上疏梁孝  
開牢書疏文義奪于肝心非徒博覽者所能造習熟  
者所能爲也。文王之文在孔子孔子之文在仲舒  
仲舒既死豈在長生之徒與何言之卓殊文之美麗  
也。唐勒宋玉亦楚文人也。竹帛不紀者屈原在其上  
也會稽文才豈獨周長生哉。所以末論列者長生尤  
踰出也。文章之人滋茂漢朝者乃夫漢家熾盛之



瑞也。天晏列宿煥炳陰雨日月蔽匿方今文人並出見者乃夫漢朝明明之驗也。高祖讀陸賈之書歎曰萬歲徐樂主父偃上疏徵拜郎中方今未聞膳無苦酸之肴口所不甘味手不舉以啖人詔書每下文義經傳四科詔書斐然郁郁好文之明驗也。上書不實核著書無義指萬歲之聲徵拜之恩何足發哉飾面者皆欲爲好而運日者希文音者皆欲爲悲而驚耳者寡陸賈之書永奏徐樂主父之策未聞群諸瞽言之徒言事粗醜文不美潤不指所謂文辭淫滑不被濤沙之謫幸矣焉蒙徵拜爲郎中之寵乎。



方節而行無針錐之銳固安能自穿取暢達之功乎  
內累于胸中之知外劬于禮義之操不敢妄進苟  
取故有稽畱之難凡物仆僵者足又在上賢僞不  
遇仆廢于世蹀足之吏皆在其上東方朔曰目不在  
面而在于足救昧不給能何見乎汲黯謂武帝曰陛  
下用吏如積薪矣後來者居上原汲黯之言察東方  
朔之語獨以非俗吏之得地賢儒之失職哉 鷲飛  
輕于鳳凰兔走疾于麒麟鼃躍躁于靈龜蛇騰便于  
神龍呂望之徒白首乃顯百里奚之知明于黃髮深  
爲國謀因爲王輔皆夫沉重難進之人也輕躁早成



禍害暴疾。

狀聞篇

凡物能相割截者必異性者也能相

奉成者必同氣者也是故離下兌上曰革革更也火

金殊氣故能相革如俱火而皆金安能相成屈原疾

楚之梟泚故稱香潔之辭漁父議以不隨俗故陳沐

浴之言凡相溷者或教之薰隧或令之負豕二言之

于除梟泚也孰是孰非非有不易少有以益夫用寒

溫非刑賞也能易之乎西門豹急佩章以自寬董安

平緩帶絃以自促二賢知佩帶變已之物而以攻身

之短夫至明矣人君失政不以他氣譴告變易反隨

其誤就起其氣此則皇天用意不若二賢審也楚莊



王好獵樊姬爲之不食鳥獸之肉秦繆公好淫樂華陽后爲之不聽鄭衛之音二姬非兩主拂其欲而不順其行皇天非賞罰而順其操而渥其氣此蓋皇天之德不若婦人賢也

譴告篇

或時杞國且圯而杞梁之

妻適哭城下猶燕國適寒而鄒衍偶呼也事以類而時相因聞見之者惑而然之又城老墻朽猶有崩壞一婦之哭崩五丈之城是城則一指摧三仞之楹也春秋之時山多變山城一類也哭能崩城復能壞山乎夫豫子謀殺襄子伏于橋下襄子至橋心動貫高欲殺高祖藏人于壁中高祖至柏人亦動心二子



欲刺兩主兩主心動實論之尚謂非二子精神所能  
感也而況荆軻欲刺秦王秦王之心不動而白虹貫  
日乎然則白虹貫日天變自成非軻之精爲虹而貫  
日也夫太白食昴猶鉤星在房心也謂衛先生長  
平之議令太白食昴疑矣歲星害鳥尾周楚惡之繼  
然之氣見宋衛陳鄭災案時周楚未有非而宋衛陳  
鄭未有惡也然而歲星先守尾災氣署垂于天其後  
周楚有禍宋衛陳鄭同時皆然歲星之害周楚天氣  
災四國也何知白虹貫日不致刺秦王太白食昴使  
長平計起也

變動篇

且夫攻社之義以爲攻陰之類也



甲爲盜賊傷害人民甲在不亡舍甲而攻乙之家而  
止甲乎今兩者水也水在不自攻水而乃攻社案天  
將雨山先出雲雲積爲雨雨流爲水然則山者父母  
水者子弟也重罪刑及族屬罪父母子弟乎罪其朋  
徒也夫大山失火灌以壅水衆知不能救之者何  
也火盛水少熱不能勝也今國湛水猶大山失火也  
以若繩之絲縈社爲救若以壅水灌大山也原天心  
以人意狀天治以人事人相攻擊氣不相兼兵不相  
負不能取勝今一國水使真欲攻陽以絕其氣悉發  
國人操刀把杖以擊之若歲終逐疫然後爲可告



宜于用牲。用牲不宜于攻。告事用牲。禮也。攻之用牲。  
于禮何見。朱絲如繩。示在暘也。暘氣實微。故用物微。  
也。投一寸之鍼。布一丸之艾。于血脉之蹊。篤病有瘳。  
朱絲如一寸之鍼。一丸之艾也。吳攻破楚。昭王亡走。  
申包胥間步赴秦。哭泣求救。卒得助兵。却吳而存楚。  
擊鼓之人。伐如何耳。使誠若申包胥。一人擊得假令。  
一人擊鼓。將耐令社與秦王同感。以上勝水之威。却。  
止雲雨。雲雨氣得與吳同。恐消散入山。百姓被害者。  
得蒙霽晏。有楚國之安矣。  
順鼓篇 董仲舒申春秋之雩

設土龍以招雨。其意以雲龍相致。易曰。雲從龍。風從



愚誕  
宜來  
此點

虎以類求之故設土龍陰陽從類雲雨自至儒者或  
問曰夫易言雲從龍者謂真龍也豈謂土哉楚葉公  
好龍墻壁槃盂皆畫龍必以象類爲若真是則葉公  
之國常有雨也禮畫雷樽象雷之形雷樽不聞能  
致雷土龍安能而動雨李子長爲政欲知囚情以  
梧桐爲人象囚之形鑿地爲埴以盧爲櫛臥木囚其  
中囚罪正則木囚不動囚寃侵奪木囚動出不知囚  
之精神着木人乎將精神之氣動木囚也夫精神感  
動木囚何爲獨不應從土龍何奴敬畏郅都之威  
刺木象都之狀交弓射之莫能一中不知都之精神



在。形。象。邪。亡。也。將。匈。奴。敬。鬼。精。神。在。木。也。如。都。之。精。  
神。在。形。象。天。龍。之。神。亦。在。土。龍。如。匈。奴。精。在。於。木。人。  
則。雩。祭。者。之。精。亦。在。土。龍。仲。舒。覽。見。深。鴻。立。事。不。  
妄。設。土。龍。之。象。果。有。狀。也。龍。蹙。出。水。雲。雨。乃。至。古。者。  
畜。龍。御。龍。常。存。無。雲。雨。猶。舊。交。相。闊。遠。卒。然。相。見。觀。  
欣。歌。笑。或。至。悲。泣。涕。偃。伏。少。人。則。出。行。各。恍。惚。矣。龍亂  
篇桓。君。山。謂。楊。子。雲。曰。如。後。世。復。有。聖。人。徒。知。其。才。  
能。之。勝。已。多。不。能。知。其。聖。與。非。聖。人。也。子。雲。曰。誠。然。  
夫。聖。人。難。知。知。能。之。美。若。桓。楊。者。尚。復。不。能。知。世。儒。  
懷。庸。庸。之。知。齋。無。異。之。議。見。聖。不。能。知。可。保。必。也。



且人有佞猾而聚者。鳥亦有佞黠而從羣者。當其  
之時。鳳。慤。愿。宜。帝。之。時。佞。黠。乎。何。其。俱。有。聖。人。之。德。  
行。動。作。之。操。不。均。同。也。講。瑞。篇。聖。人。不。能。自。免。于。厄。而。  
鳳。麟。獨。能。自。全。于。世。是。鳥。獸。之。操。賢。于。聖。人。也。人。  
不。能。知。鳥。獸。此。論。精。阜。鳥。獸。亦。不。能。知。人。而。不。能。相。知。鳥。獸。爲。  
愚。于。人。何。以。反。能。知。之。儒。者。咸。稱。鳳。凰。之。德。欲。以。表。  
明。王。之。治。反。令。人。有。不。及。鳥。獸。論。事。過。情。使。實。不。著。  
使。鳳。麟。審。爲。聖。王。見。則。孝。宣。皇。帝。聖。人。也。如。孝。宣。  
帝。非。聖。則。鳳。麟。爲。賢。來。也。爲。賢。來。則。儒。者。稱。鳳。凰。麟。  
麟。失。其。實。也。鳳。凰。騏。麟。爲。堯。舜。來。亦。爲。宣。帝。來。矣。夫。



夫佞何能  
入事諉之  
可也  
矣也

如是爲聖且賢也。

指瑞篇

儒者又言太平之時屈軼生

於庭之末若草之狀主指佞人佞人入朝屈軼庭末

以指之聖王則知佞人所在夫天能故生此物以指

佞人不使聖王性自知之或佞人本不生出必復更

生一物以指明之何天之不憚煩也聖王莫過堯舜

堯舜之治最爲平矣即屈軼已自生于庭之末佞人

來輒指知之則舜何妙難于知佞人而使臯陶陳知人

之術經曰知人則哲惟帝難之人含五常音氣交通

且猶不能相知屈軼草也安能知佞如儒者之言是

則太平之時草木踰賢聖也獄訟有是非人情有曲



直何不并令屈軼指其非而不直者必苦心聽訟三  
人斷獄乎。又言太平之時有景星尚書中候曰堯  
時景星見于軫夫景星或時五星也大者歲星太白  
也彼或時歲星太白行于軫度古質不能推步五星  
不知歲星太白何如狀見大星則謂景星矣詩又言  
東有啟明西有長庚亦或時復歲星太白也或時昏  
見于西或時晨出于東詩人不知則名曰啟明長庚  
矣。王莽之時太白經天精如半月使不知星者見  
之則亦復名之曰景星爾雅釋四時章曰春爲發生  
夏爲長羸秋爲收成冬爲安寧四氣和爲景星夫如



詳注以人  
於天難而  
不厭煩諸  
滿有味

爾雅之言。景星乃四時氣和之名也。恐非着天之大  
星。是應。夫曹參為相。若不為相。汲黯為太守。若郡無  
人。然而漢朝無事。淮陽刑錯者。參德優而黯威重也。

計天之威德。孰與曹參。汲黯。而謂天與王政。隨而譴  
告之。是謂天德。不若曹參。厚而威。不若汲黯。重也。

夫天安得以筆墨而為圖書乎。天道自然。故圖書自

成。武帝幸王夫人。王夫人死。思見其形。道士以方

術作夫人形。形成。出入宮門。武帝大驚立而迎之。忽

不復見。蓋非自然之真。方士巧妄之偽。故一見恍惚。

消散滅亡。有為之化。其不可久行。猶王夫人形不可

本之作者  
自類王夫



人形其下  
者人人之  
形亦不出

愚謂可以  
垂戒亦不  
必過詰其  
偽

久見也。自然秋夏之際陽氣尚盛未嘗無雷雨也。故

其拔木偃禾頗為狀耳。當雷雨時成王感懼開金縢

之書見周公之功執書泣過自責之深自責適已天

偶反風書家則謂天為周公怒也。千秋萬夏不絕雷

雨。苟謂雷雨為天怒乎。是則皇天歲歲怒也。正月陽

氣發泄雷聲始動。秋夏陽至極而雷折。苟謂秋夏之

雷為天大怒。正月之雷天小怒乎。雷為天怒。雨為天

怒。天為周公怒。徒當雷不當雨。今雨俱至。天怒且

喜乎。秦始皇帝東封岱嶽雷雨暴至。劉媪息大澤

雷雨晦冥。始皇無道自同前聖治亂自謂太平。天怒



可也。劉媪息大澤夢與神遇。是生高祖。何怒于生聖人而爲雷雨乎。師曠奏白雪之曲。雷電下擊鼓清

角之音。風雨暴至。苟謂雷雨爲天怒。天何憎于白雪。清角而怒。師曠爲之乎。孟賁推人人仆。接人而起。

接人立。天能拔木不能復起。是則天力不如孟賁也。

秦時三山亡。猶謂天所徙也。夫木之輕重孰與三山。能徙三山不能起大木。非天用力宜也。如謂三山非天所亡。然則雷雨獨天所爲乎。夫天道無爲如天。

以雷雨責怒人。則亦能以雷雨殺無道。古無道者多。可以雷雨誅殺其身。必命聖人興師動軍。頓兵傷士。



難以一雷行誅輕以三軍尅歆何天之不憚煩也

篇

夏所承唐虞之教薄故教以忠唐虞以文教則其

所承有鬼失矣世人見當今之文薄也狎侮非之則

謂上世朴質下世文薄猶家人子弟不謹則謂他家

子弟謹良矣

齊世篇

武王伐紂庸蜀之夷佐戰牧野成

王之時越常獻雉倭人貢暢幽厲衰微戎狄攻周平

王東走以避其難至漢四夷朝貢孝平元始元年越

帝重譯獻白雉一黑雉二夫以成王之賢輔以周公

越常獻一平帝得三後至四年金城塞外羗良橋橋

種良願等獻其魚鹽之地願內屬漢遂得西王母石

室、因、爲、西、海、郡、周、時、戎、狄、攻、王、至、漢、內、屬、獻、其、寶、地、  
西、王、母、國、在、絕、域、之、外、而、漢、屬、之、德、孰、大、壤、孰、廣、方、  
今、哀、牢、鄯、善、諾、降、附、歸、德、匈、奴、時、擾、遣、將、攘、討、獲、虜、  
生、口、千、萬、數、夏、禹、保、入、吳、國、太、伯、採、藥、斷、髮、文、身、唐、  
虞、國、界、共、爲、荒、服、越、在、九、夷、芻、衣、闔、頭、今、皆、夏、服、褒、  
衣、履、舄、巴、蜀、越、雋、鬱、林、日、南、遼、東、樂、浪、周、時、被、髮、椎、  
髻、今、戴、皮、弁、周、時、重、譯、今、吟、詩、書、春、秋、之、義、君、親、無、  
將、將、而、必、誅、廣、陵、王、荆、迷、于、嬖、巫、楚、王、英、惑、于、狹、客、  
事、情、列、見、孝、明、三、宥、二、王、吞、藥、周、誅、管、蔡、違、斯、遠、矣、  
楚、外、家、許、氏、與、楚、王、謀、議、孝、明、曰、許、氏、有、屬、于、王、欲、



王尊貴人情也。聖心原之不繩于法，隱彊侯傳懸書市里，誹謗聖政。今上海思犯奪爵土，惡其人者，憎其貴餘立二王之子安楚、廣陵彊弟貞嗣，祀陰氏二王帝族也。位爲王侯，與管蔡同。管蔡滅嗣，二王立後，思已褒矣。隱彊異姓也，尊重父祖，復存其祀，立武庚之義，繼祿父之恩，方斯羸矣。恢國篇宣帝之時，畫圖漢烈士，或不在于畫上者，子孫耻之。何則？父祖不賢，故不畫也。夫頌言非徒畫文也。如千世之後，讀經書不見漢美，後世怪之。須頌篇孝成皇帝讀百篇尚書，博士莫能曉，知徵天下能爲尚書者，東海張霸通左

氏春秋案百篇序以左氏訓詁造作百二篇具成奏  
上成帝出祕尚書以考校之無一字相應者成帝下  
霸于吏吏當霸辜大不謹敬成帝奇霸之才赦其辜  
亦不減其經故百二尚書傳在民間孔子曰才難能  
推精思作經百篇才高卓適希有之人也成帝赦之  
多其文也楊子山爲郡上計吏見三府爲哀牢傳  
不能成歸郡作上孝明奇之徵在蘭臺夫以三府掾  
吏叢積成才不能成一篇子山成之上覽其文子山  
之傳豈必審是傳聞依爲之有狀會三府之士終不  
能爲子山爲之斯湏不難成帝赦張霸豈不有以哉



大耐咀嚼

永平中神雀羣集孝明詔上爵頌百官頌上文皆  
比瓦石唯班固賈逵傳毅楊終侯諷五頌金玉孝明  
覽焉夫以百官之衆郎吏非一唯五人文善非奇而  
何孝武善子虛之賦徵司馬長卿孝成玩弄衆書之  
多善楊子雲出入遊獵子雲乘從使長卿桓君山子  
雲作吏書所不能盈牘文所不能成句則武帝何貪  
成帝何欲故曰玩楊子雲之篇樂于居千石之官挾  
桓君山之書富于積猗頓之財韓非之書傳在秦庭  
始皇歎曰獨不得與此人同時陸賈新語每奏一篇  
高祖左右稱曰萬歲夫歎思其人與喜稱萬歲豈可

空爲哉誠見其美懽氣發于內也

孝明世好文人

並徵蘭臺之官文雄會聚今上卽令詔求亡失購募

以金安得不有好文之聲唐虞旣遠所在書散殷周

頗近諸子存焉漢興以來傳文未遠以所聞見伍唐

虞而什殷周煥炳郁郁莫盛于斯天晏暘者星辰曉

爛人性奇者掌文藻炳漢今爲盛故文繁湊也

豐屋知名家睹喬木知舊都鴻文在國聖世之驗也

孟子相人以眸子焉心清則眸子瞭瞭者目文瞭也

奇達

夫候國占人同一實也國君聖而文人聚人心惠而

目多采蹂蹈文錦于泥塗之中聞見之者莫不痛心



知文錦之可惜。不知文人之當尊。不通類也。楊子

雲作法言。蜀富人賁錢千萬。願載于書。子雲不聽。大  
富無仁義之行。圉中之鹿。欄中之牛也。安得妄載。班  
叔皮續太史公書。載鄉里人。以爲惡戒。邪人枉道。繩  
墨所彈。安得避諱。是故子雲不爲財勸。叔皮不爲恩  
撓。文人之筆。獨已公矣。賢聖定意于筆。筆集成文。文  
具情顯。後人觀之。見以正僞。安宜妄記足躐于地跡。  
有好醜。文集于禮志。有善惡。故夫占跡以睹足。觀文  
以知情。詩三百一言以蔽之。曰思無邪。論衡篇以十  
數。亦一言也。曰疾虛妄。佚文子產智人也。知物審矣。

如死者無知。何能殺帶與段。如不能爲鬼。子產何以  
不疑。曰。與伯有爲怨者。子皙也。子皙攻之。伯有犇駟。  
帶乃率國人遂伐伯有。公孫段隨駟。帶不造本辯。其  
惡微。小殺駟。帶不報。子皙。公孫段惡微。與帶俱死。是  
則伯有之魂無知爲鬼。報仇輕重失宜也。且子產言  
曰。彊死者能爲鬼。何謂彊死。謂伯有命未當死。而人  
殺之。耶。將謂伯有無罪。而人寃之也。如謂命未當死。  
而人殺之。未當死而死者多。如謂無罪人寃之。被寃  
者亦非一伯有。強死能爲鬼。比于子胥。不爲鬼。春秋  
之時。弑君三十六。君爲所弑。可謂彊死矣。典長一國。



用物之精可謂多矣。繼體有土非直三世也。貴爲人君非與卿位同也。始封之祖必有穆公子良之類也。以至尊之國君受亂臣之弑禍。其魂魄爲鬼必明于伯有報仇殺讐禍繁于帶段三十六君。無爲鬼者三十六臣。無見報者如以伯有無道其神有知。世間無道莫如桀紂。桀紂誅死魄不能爲鬼。然則子產之說因成事者也。見伯有彊死則謂彊死之人能爲鬼。如有不彊死爲鬼者則將云不彊死之人能爲鬼。子皙在鄭與伯有何異死。與伯有何殊。俱以無道爲國所殺。伯有能爲鬼。子皙不能彊死之說通于伯有塞于

子哲然則伯有之說杜伯之語也杜伯未可然伯有亦未可是也人死世謂鬼鬼象生人之形見之與人無異然猶非死人之神況熊非人之形不與人相似乎審鯨死其神爲黃熊則熊之死其神亦或時爲人人夢見之何以知非死禽獸之神也信黃熊謂之鯨神又信所見之鬼以爲死人精也此人物之精未可定黃熊爲鯨之神未可審也且夢象也吉凶且至神明示象熊羆之占自有所爲使鯨死其神審爲黃熊夢見黃熊必鯨之神乎諸侯祭山川設誓侯夢見山川何復不以祀山川山川自見乎人病多或夢見



先祖死人來立其側可復謂先祖死人求食故來見形乎人夢所見更爲他占未必以所見爲實也何以驗之夢見生人明日所夢見之人不與已相見夫所夢見之人不與已相見則知鯀之黃熊不入寢門不入則鯀不求食不求食則晉侯之疾非廢夏郊之禍非廢夏郊之禍則晉侯有間非祀夏郊之福也無福之實則無有知之驗矣亦猶淮南王劉安坐謀反而死世傳以爲仙而升天本傳之虛子產聞之亦不能實偶晉侯之疾適當自衰子產遭言黃熊之占則信黃熊鯀之神矣

死僞篇

師延自投濮水形體腐于水中

精氣消于泥塗。安能復鼓琴。屈原自沉于江。屈原善著文。師延善鼓琴。如師延能鼓琴。則屈原能復書矣。楊子雲弔屈原。屈原何不報。屈原生時。文無不作。不能報。子雲者。死爲泥塗。手旣朽。無用書也。屈原手朽。無用書。則師延指敗。無用鼓琴矣。孔子當泗水而葵。泗水却流。世謂孔子神。而能却泗水。孔子好教授。猶師延之好鼓琴也。師延能鼓琴于濮水之中。孔子何爲不能教授于泗水之側乎。高祖所殺之虵。非虵也。則夫鄭厲公將入鄭之時。邑中之虵。與邑外之虵。聞者非虵也。厲公將入鄭。妖氣象虵而聞也。鄭國聞。



蛇非蛇則知夏庭二龍爲龍象爲龍象則知鄭子產之時龍戰非龍也。天道難知使非妖也使是亦妖也。夫石不能自刻則亦不能言不能言則亦不能爲人矣。大公兵法氣象之也何以知非實也以老父非人知書亦非太公之書也。紀妖篇諺曰衆口爍金口者火也五行二曰火五事二曰言言與火直故云爍金道口舌之爍不言拔木煽火必云爍金金制于火火口同類也。夫深山大澤龍蛇所生也。比之叔虎之母者美色之人懷毒螫也。生子叔虎美有勇力勇力所生生于美色禍難所發由于勇力火有光耀木有

容貌龍馳東方。木含火精。故美色。貌麗。膽附于肝。故生勇力。火氣猛。故多勇。木剛強。故多力也。生妖怪者。常由好色。爲禍難者。常發勇力。爲毒害者。皆在好色。美酒爲毒。酒難多飲。蜂液爲蜜。蜜難益食。勇夫強國。勇夫難近。好女說心。好女難畜。辯士快意。辯士難信。故美味腐腹。好色惑心。勇夫招禍。辯口致殃。四者世之毒也。辯口之毒。爲害尤酷。何以明之。孔子見陽虎却行。白汗交流。陽虎辯有口。舌口舌之毒。中人病也。人中諸毒。一身死之。中于口舌。一國潰亂。言毒夫逐疫之法。亦禮之失也。行堯舜之德。天下太平。百災消。



滅雖不逐疫。疫鬼不往。行桀紂之行。海內擾亂。百禍並起。雖日逐疫。疫鬼猶來。衰世好信鬼。愚人好求福。周之季世。信鬼修祀。以求福助。愚主心惑。不顧自行。功猶不立。治猶不定。解除篇山猶人之有骨節也。水猶人之有血脉也。故人食腸滿。則骨節與血脉因以盛矣。今祭天地則山川隨天地而飽。今別祭山川以爲異神。是人食已更食。骨節與血脉也。社稷報生穀物之功。萬民生于天地。猶毫毛生于體也。祭天地則社稷設其中矣。人君重之。故復別祭。必以爲有神。是人之膚肉當復食也。五祀初本在地門戶。用木與土土

木生于地并竈室中雷皆屬于地祭地五祀設其中  
矣。人君重之故復別祭必以爲有神是食已當復食  
形體也風伯雨師雷公是群神也風猶人之有吹煦  
也雨猶人之有精液也雷猶人之有腹鳴也三者附  
于天地祭天地三者有矣人君重之故別祭必以爲  
有神則人吹煦精液腹鳴當復食也日月猶人之有  
目星辰猶人之有髮三光附天祭天三光在矣人君  
重之故復別祭必以爲有神則人之食已復食目與  
髮也。或難曰宋公鮑之身有疾祝曰夜姑掌將事  
于厲者厲鬼杖楫而與之言曰何而染盛之不膏也



何而效之。不肥碩也。何而珪璧之不中度量也。而罪歟。其鮑之罪歟。夜姑順色而對曰。鮑叔尚幼在襁褓。不預知焉。審是掌之厲鬼舉械而搯之。斃于壇下。此非能言用手之驗乎。夫鬼者神也。神則先知。先知則宜自見。棗盛之。不膏珪璧之失度。犧牲之靡小。則因以責讓。夜姑以械擊之而已。無爲先問。先問不知之效也。不知不神之驗也。不知不神。則不能見。體出言以械擊人也。夜姑義臣也。引罪自予已。故鬼擊之。如無義而歸之鮑身。則厲鬼將復以械搯鮑之身矣。祀義

篇

高皇帝封吳王。送之拊其背曰。漢後五十年。

東南有反者豈汝邪到景帝時漚與七國通謀反漢  
建此言者或時觀氣見象處其有反不知主名高祖  
見漚之勇則謂之是原此以論孔子見始皇仲舒或  
時但言將有觀我之宅亂我之書者後人見始皇入  
其宅仲舒讀其書則增益其辭著其主名案始皇  
本事始皇不至魯安得上孔子之堂踞孔子之牀顛  
倒孔子之衣裳乎實知人之舉事或意至而功不成  
事不立而勢貫山荆軻醫夏無且是矣荆軻入秦之  
計本欲劫秦王秦王生致于燕邂逅不偶爲秦所擒當荆  
軻之逐秦王秦王還柱而走醫夏無且以藥囊提荆



軻既而天下名軻爲烈士秦王賜無且金二百鎰夫  
爲秦所擒生致之功不立藥囊提刺客益于救主然  
猶稱賞者意至勢盛也天下之士不以荆軻功不成  
不稱其義秦王不以無且無見效不賞其志志善不  
效成功義至不謀就事義有餘效不足志巨大而功  
細小智者賞之愚者罰之必謀功不察志論陽效不  
存陰計是則豫讓拔劍斬襄子之衣不足識也伍子  
胥鞭笞平王尸不足載也張良椎始皇誤中副車不  
足記也三者道地不便計畫不得有其勢而無其功  
懷其計而不得爲其事是功不可以效賢三也

定賢篇

山無林則爲土山地無毛則爲瀉土人無文則爲僕

人古以言爲功者多以文爲敗者希呂不韋淮南

王以他爲過不以書有非書解夫觀世表則契與后

稷黃帝之子孫也讀殷周本紀則玄鳥大人之精氣

也二者不可兩傳而太史公兼紀不別案帝王之妃

不宜野出浴于川水今言浴于川吞玄鳥之卵出于

野履大人之跡違尊貴之節誤是非之言也案書才

能之士好談論者增益實事爲美盛之語用筆墨者

造生空文爲虛妄之傳聽者以爲真然說而不合覽

者以爲實事傳而不絕不絕則文載竹帛之上不合



則誤入賢者之耳。至或南面稱師，賦姦偽之說，典賦  
及玉色，剖于石心，珠光出于魚腹，其隱乎猶吾文  
未集于簡札之上，藏于胸臆之中，猶玉隱珠匿也。及  
出，我露猶玉剖珠出乎爛，若天文之照，順若地理之  
曉，疑隱微盡可名處。口則務在明言，筆則務在  
露文。高士之文，雅言無不可曉，指無不可睹，觀讀之  
者，蹠然若盲之開目，聆然若聾之通耳。言瞭于耳，  
則事味于心，文察于目，則篇留于手。自紀

虞淳熙序論衡曰：仲任以其志，鮪慕遽師彪比鳩。

之學。游。諛。聞。之。竇。而。牖。薄。社。耳。目。枕。人。夏。矣。故。其。  
紀。曰。口。務。明。言。筆。務。露。文。曉。然。若。盲。之。開。目。泠。然。  
若。聾。之。通。耳。言。不。可。旒。纊。也。洛。陽。之。市。豈。無。縣。黎。  
莫。難。而。仲。任。以。其。神。營。魄。藏。心。宅。腹。筭。也。者。望。天。  
下。之。乏。而。予。之。天。下。仰。掇。焉。故。其。紀。曰。王。剖。珠。出。  
玉。剖。則。鳳。璞。莫。隱。珠。出。則。魚。骨。莫。衷。言。不。可。襲。與。  
韞。而。日。中。爲。沽。也。微。歟。中。郎。匿。之。帷。間。白。傅。匿。之。  
帟。外。焉。總。匿。之。林。表。而。宋。士。匿。之。櫝。中。珠。沉。玉。瘞。  
耳。目。幾。廢。政。也。燔。竹。戎。也。鑽。李。茲。其。埒。耳。已。讀。衍。  
八。十。五。篇。竟。十。餘。萬。言。乃。喟。然。稱。曰。是。何。能。匿。也。



庭無亂子之跡詩禮並名異書席無禽凡之容進  
趨皆登秘府仲尼伯魚猶匿況其几乎且上物時  
前神物時苗宛委酉陽靈族司馬安所禱天真之  
服闋其名山而化姬婦客夫耶故漢之帷梁之林  
唐之帖宋之櫝衡之權也量而出之無多眎人彼  
且以爲銳利于翳秦至則塞明月夜光無因而至  
前則匹士拔劍迺相與匿衡而衡誠懸也吾惡夫  
諸子之不平平之于吾衡焉

中論

東漢徐幹

學者如登山焉動而益高如寤寐焉久而愈足顧所

幹當宗帝

末年董卓

作亂冠族

子弟結黨

權門閉戶

自守

由來則杳然其達以其難而懈之誤且非矣夫獨  
思則滯而不通獨爲則困而不就人心必有明焉必  
有悟焉如火得風而炎熾如水赴下而流速故太昊  
觀天地而畫八卦燧人察時令而鑽火帝軒聞鳳鳴  
而調律倉頡視鳥跡而作書斯大聖之學乎神明而  
發乎物類也賢者不能學于達乃學于近故以聖人  
爲師凡學者大義爲先物名爲後太義舉而物名  
從之然鄙儒之博學也務于物名詳于器械矜于詁  
訓摘其章句而不能統其大義之所極以獲先王之  
心此無異乎女史誦詩內豎傳令也故使學者勞思



一龍  
公格  
成應  
以

慮而不知道費日月而無成功故君子必擇師焉  
君子口無戲謔之言言必有防身無戲謔之行行必  
有檢故雖妻妾不可得而黷也雖朋友不可得而狎  
也昔朱敏碎首于碁局陳靈被禍于戲言閻郅造  
逆于相詬子公生弑于嘗黿是故君子居身也謙在  
敵也讓臨下也莊奉上也敬君子之交人也歡而  
不媾和而不同好而不佞詐學而不虛行易親而難  
媚多怨而寡非故無絕交無畔朋法象小人朝爲而夕  
求其成坐施而立望其反行一日之善而求終身之  
譽譽不至則曰善無益矣遂疑聖人之言背先王之

是潛身劣  
并日而  
斯吉人  
善者耶

教存其舊術。順其常好。是以身辱名賤。而不免爲人  
役也。孔子曰。小人何以壽爲。一日之不能善矣。久惡  
惡之甚也。懷疾者。人不使爲醫。行穢者。人不使畫  
法。以無驗也。子思曰。能勝其心于勝人乎。何有不能  
勝其心。如勝人。何故一尺之錦。足以見其巧。一刃之  
身。足以見其治。是以君子慎其寡也。修本誰謂華岳之  
不高。江漢之不長。與君子修德。亦高而長之。將何患  
矣。夫賢者言足聽。貌足象。行足法。加乎善獎人之  
美。而好攝人之過。其不隱也。如影。其不諱也。如響。故  
我之憚之。若嚴君在堂。而神明處室矣。雖欲爲不善。



其敢乎故求益者之居遊也必近所是而遠所易貴。君子必貴其言。貴其言則尊其身。尊其身則重其道。重其道所以立其教。言費則身賤。身賤則道輕。道輕則教廢。言貴。徐偃王知修仁義而不知用武。終以亡國。魯隱公懷讓心而不知佞僞。終以致殺。宋襄公守節而不知權。終以見執。晉伯宗好直而不知時變。終以隕身。叔孫豹好善而不知擇人。終以凶餓。此皆踰善而少智之謂也。故大雅貴既明且哲以保其身。智誘以僞成之名。懼以虛至之謗。使人憧憧乎得亡。惓惓而不定。喪其故性而不自知其迷也。咸相與祖述其。

陸厥辭人  
美頤之文  
故廢詩賦  
頌銘贊之  
夕著中論  
二十篇其

業。而。寵。狎。之。斯。術。之。于。斯。民。也。猶。內。關。之。疾。也。非。有。  
痛。癢。煩。苛。于。身。情。志。慧。然。不。覺。疾。之。已。深。也。然。而。期。  
日。既。至。則。血。氣。暴。竭。汲。汲。乎。常。懼。當。時。之。不。我。尊。

也。皇。皇。爾。又。懼。來。世。之。不。我。尚。也。心。疾。乎。內。形。勞。于。  
外。然。其。智。調。足。以。將。之。便。巧。足。以。莊。之。稱。託。比。類。足。  
以。充。之。文。辭。聲。氣。足。以。飾。之。是。以。欲。而。如。讓。躁。而。如。  
靜。幽。而。如。明。跛。而。如。正。雖。語。我。曰。吾。爲。善。吾。不。信。  
之。矣。何。者。以。其。泉。不。自。中。涌。而。注。之。者。從。外。來。也。苟。  
如。此。則。處。道。之。心。不。明。而。執。義。之。意。不。著。雖。依。先。生。  
稱。詩。書。將。何。益。哉。以。此。毒。天。下。之。民。莫。不。離。本。趣。末。



以偽成紛紛擾擾馳騖不已其流于世也至于父  
盜子名兄竊弟譽骨肉相胎朋友相詐此大亂之道  
也故求名者聖人至禁也齊豹爲衛司寇守嗣大  
夫作而不義其書爲盜邾庶其莒牟夷邾黑肱以土  
地出求食而已不求其名賤而必書此二物者所以  
懲肆而去貪也若艱難其身以險危大人而有名章  
微攻難之士將奔走之若竊邑叛君以微大利而無  
名貪冒之民將寘力焉是以春秋書齊豹曰盜三叛  
人名以懲不義數惡無禮其善志也夫爲名者使  
真偽相冒是非易位而民有所化此邦家之大災也

殺人者一人之害也。安可相比也。然則何取于殺人者。以書盜乎。荀卿亦曰。盜名不如盜貨。鄉愿亦無殺人之罪也。而仲尼惡之。考民之好交游也。不及聖王之世乎。古之不交游也。將以自求乎。不務交游者。非政之惡也。心存于職業而不遑也。且先王之教官。既不以交游導民。而鄉之考德。又不以交游舉賢。是以不禁其民。而民自忘之。及周之衰。而交游興矣。先王取士官人之有法也。故其民莫不反本而自求。慎德而積小。知福祚之來。不由于人也。故無交游之端。心澄體靜。恬然自得。咸相率以正道。



相厲以誠。慝姦詭不興。邪陂自息矣。世之衰矣。士  
明天子。下無賢諸侯。君不識是非。臣不辨黑白。取士  
不由于鄉黨。考行不本于閭閻。多助者爲賢才。寡助  
者爲不肖。序爵聽無證之論。班祿采方國之譎。民見  
其如此者。知富貴可以從衆爲也。知名譽可以虛譁  
獲也。乃離其父兄。去其邑里。不修道藝。不治德行。講  
偶時之說。結比周之黨。汲汲皇皇。無日以處。更相歎  
揚。迭爲表裏。檮杌生華。憔悴布衣。以欺人主。惑宰相。  
竊選舉。盜榮寵者。不可勝數也。旣獲者賢已而遂往。  
羨慕者並驅而追之。悠悠皆是。孰能不然者乎。桓靈

之世其甚者也。自公卿大夫州牧郡守王事不恤賔客。爲務冠蓋填門。儒服塞道。饑不暇餐。倦不獲已。殷殷沍沍。俾夜作晝。下及小司。列城墨綬。莫不相商。以得人自矜。以下士星言。夙駕送往。迎來亭傳。常滿吏卒。傳問炬火。夜行闔寺。不閉把臂。揆腕扣天。矢誓推託。恩好不較。輕重文書。委于官曹。繫囚積于囹圄。而不遑省也。詳察其爲也。非欲憂國恤民。謀道講德也。徒營已治私。求勢逐利而已。有策名于朝。而稱門生于富貴之家者。比屋有之。爲之師。而無以教弟子。亦不受業。然其于事也。至乎懷丈天之容。而襲婢妾之



態或奉貨而行賂以自固結求志屬託規圖仕進然  
擲目指掌高談大語若此之類言之猶可羞而行之  
者不知耻嗟乎王教之敗乃至于是乎且夫交游者  
出也或身歿于他邦或長幼而不歸父母懷乳獨之  
思室人抱東山之哀親戚隔絕閨門分離無罪無辜  
而亡命是效古者行役過時不反猶作詩刺怨故四  
月之篇稱先祖匪人胡寧忍予又况無君命而自爲  
之者乎以此論之則交游乎外久而不歸者非仁人  
之情也交謹夫形體者人之精魄也德義令聞者精魄  
之榮華也君子愛其形體故以成其德義也詩云

萬有千歲。眉壽無有害人。豈有萬壽千歲者。皆令德之謂也。天壽凡亡國之君。其朝未嘗無致治之臣也。其

府未嘗無先王之書也。然而不免乎亡者。何也。其賢

不用其法。不行也。苟書法而不行其事。爵賢而不用

其道。則法無異乎路說。而賢無異乎木主也。賢者

之爲物也。非若美嬪麗妾之可觀于目也。非若端冕

帶裳之可加于身也。非若嘉肴庶羞之可實于口也。

將以言策策不用。雖多亦奚以爲。若欲備百僚之名。

而不問道德之實。則莫若鑄金爲人。而列于朝也。且

無食祿之費矣。莽之爲人也。內實奸邪。外慕古義。



亦聘求名儒徵命術士政煩教虐無以致之于民  
之以峻刑威之以重戮賢者恐懼莫敢不至徒張設  
虛名以夸海內莽亦卒以滅亡且莽之爵人其實囚  
之也囚人者非必著之桎梏而置之囹圄之謂也拘  
係之愁憂之之謂也使在朝之人欲進則不得陳其  
謀欲退則不得安其身是則以綸組爲繩索以印佩  
爲鉗鐵也小人雖樂之君子則以爲辱故明王之得  
賢也得其心也非謂得其軀也苟得其軀而不論其  
心也斯與籠鳥檻獸無以異也則賢者之于我也亦  
猶怨讐也豈爲我用哉雖曰班萬鍾之祿將何益歟

故苟得其心。萬里猶近。苟失其心。同衾爲遠。今不修所以得賢者之心。而務循所以執賢者之身。至于社稷顛覆。宗廟廢絕。豈不哀哉。賢者之視我容貌也。如魍魎臺殿也。如狴犴采服也。如衰絰絃歌也。如號哭酒醴也。如滌滌肴饌也。如糞土從事舉措。每無一差。彼之惡我也如是其冃至哉。今不務明其義而徒設其祿。可以獲小人。難以得君子。君子者。行不踰合立。不易方。不以天下枉道。不以樂生害仁。安可以祿誘哉。雖強搏執之。而不獲已。亦杜口佯愚。苟免不暇。國之安危。將何賴焉。故詩曰。威儀卒迷。善人載尸。此



之謂也國

申鑒

東漢荀悅

問民由水也。濟大川者，太上乘舟。其次，涸。涸，浮行也。

者，勞而危。乘舟者，逸而安。虛入水。既不能乘舟，又不能涸，則必溺。

矣。以知能治民者，涸也。以道德治民者，舟也。縱民之

情，謂之亂。絕民之情，謂之荒。上無道德，次無智能。曰：然則如之

何？曰：爲之限，使勿越也。不縱不絕，爲之界限。地亦勿越。故

水可使不濫，不可使無流。太上不空市，其次不偷

竊。其次不掠奪。上以功惠綏民，下以財力奉政。論

曰：盜跖不能盜田尺寸，寸不可盜。況尺乎？纖惡細善，不可闕掩。

夫事驗必若土田之張于野也。則為私者寡矣。喻惡不可

掩若亂之墜于澳也。則可信者解矣。角之截流橫渡者澳厓內迅水

之濱舟登于陸不可信者喻善不可偽也故有事考功有言考用動則考

行靜則考守。夫豐食生私。匱廉貶公。是亂也。先王

重之曰祿。可增乎。曰民家財愆。增之宜矣。或曰。今祿

如何。今謂獻曰時。匱也。祿依食。食依民。參相澹。澹古

給也。必也正貪祿。黜汗省閑冗官。太羨與時消息。昭惠恤

下損益以度可也。諸侯不專封。富人名田踰限。富

過公侯。是自封也。大夫不專地。富賣買由已。是專地

也。或問貨曰五銖之制宜矣。漢孝武元狩五年初鑄五銖錢至平帝元



如中成錢二百八十億萬餘王莽更造大錢重十二  
銖又造契刀錯刀與五銖凡四品並行莽即真乃罷  
契刀錯刀及五銖更造錢貨六品而民便五銖私相  
市買莽下詔禁絕于是農商失業食貨俱廢世祖受  
命復五銖曰今廢如之何今謂獻帝時廢者初平元年  
銖錢董卓壞五銖錢更鑄小錢是  
也曰海內既平行之而已此制宜復曰錢散矣京畿  
一作虛矣其勢必積於遠方若果行之則彼以無用  
之錢市吾有用之物是匱近而豐遠也曰散曰虛曰  
錢皆言曰事勢有不得官之所急者穀也牛馬之禁  
五銖不得出百里之外若其他物彼以其錢取之于左用  
之于右貨遷有無周而通之海內一家何患焉言五  
得及遠他物以五銖貿穀不曰錢寡矣曰錢寡民易矣若  
遷不足以匱近為患也

錢既通而不周于用然後官鑄而補之

五銖由廢故易由易故寡

不足官鑄以贍可也或曰收民之藏錢者輸之官收遠輸之京

師然後行之曰事枉而難實者欺慢必眾奸偽必作

爭訟必繁刑殺必深吁嗟紛擾之聲章乎天下矣非

所以撫遺民成緝熙也達收五銖于京師曰然則收

而積之與曰通市其可也收五銖積或曰改鑄四銖

曰難矣此言改鑄四銖以復或曰遂廢之曰錢實便

于事用民樂行之禁之難今開難令以絕便事禁民

所樂不茂矣廢五銖以絕民所便曰起而行之錢不

可如之何曰尚之廢之弗得已何憂焉民便五銖不得而終廢之



不憂其不行也。厥後曹掾為相，還用五銖，悅之言驗矣。

古者天子諸侯有事

必告于廟。朝有二史：左史記言，右史記動。動為春秋。

春秋記事言為尚書。尚書記言君舉必記，臧否按漢書作善惡成敗無

不存焉。下及士庶等各有異按漢書作荷有茂異咸在載籍。或

欲顯而不得，或欲隱而名章。紀以得失一朝而榮辱

千載，善人勸焉，淫人懼焉。故先王重之以嗣賞罰，以

輔法教，宜于今者，官以其日各書其盡，則集之於尚

書。若史官使掌典其事，不書詭常，為善惡則書，言行

足以為法式，則書立功事，則書兵戎動衆，則書四夷

朝獻，則書皇后貴人太子拜立，則書。光武置貴人公為三夫人

士大臣拜免則書福淫禍亂則書祥瑞災異則書先

帝故事有起居注

漢時有禁中起居故明德馬皇后自撰顯宗起居注

日用動

靜之節必書焉宜復其式內史掌之以紀內事

時

夫物不能為春故候天春而生人則不然存吾春而

已矣在上者不受虛言不聽浮術不采華名不興

偽事言必有用術必有典名必有實事必有功

俗遂

進忠有三術一曰防

防與導反

二曰救

救與阿反

三曰戒

戒與尸反

先其未然謂之防發而止之謂之救行而責之謂之

戒防為上救次之戒為下下不鉗口上不塞耳則可

有聞矣有鉗之鉗猶可解也無鉗之鉗難矣哉有塞



之塞猶可除也無塞之塞其甚矣夫無錫之鉅無塞之時

此如使遽者揖讓百拜非禮也窘急者無敬故憂者

弦歌鼓瑟非樂也愁戚者不和故禮者敬而已矣揖

百拜樂者和而已矣瑟云乎匹夫匹婦處畎畝之中

必禮樂存焉爾敬和斯衣裳服者不昧於塵塗愛

也昧汚闇塗泥也衣裳者衣裳愛焉而不愛其容止

外矣容止者人之符容止愛焉而不愛其言行未矣

言行者人之樞言行愛焉而不愛其明淺矣明者心

尤不可不慎君子所惡乎異者三好生事也好生奇也

不望好變常也好生事則多端而動衆好生奇則離道而

惑俗好變常則輕法而亂度。公孫子曰性無善惡

楊雄曰人之性善惡渾

楊子修身篇曰人之性也善惡混修其善則為善人修其

惡則為惡人氣也者所適善惡之馬與

劉向曰性情相應性不獨善情

不獨惡

向之意以性善者情亦善情惡者性必惡故曰相應

曰問其理曰性善

則無四凶性惡則無三仁人無善惡文王之教一也

則無周公管蔡性善情惡是桀紂無性而堯舜無情

也性善惡皆渾是上智懷惠而下愚挾善也理也未

究矣惟向言為然或曰人之于利見而好之能以

仁義為節者是性割其情也性少情多性不能割其

情則情獨行行為惡矣不然是善惡有少多少也非情



也。故君子有常交曰義。也有常誓曰信。也交而後  
親誓而後固。狹矣。太上不異古今。其次不異海內。同  
天下之志者。其盛德乎。大人之志不可見也。浩然而  
同于道。大人之志渾合造化故不可窺量。衆人之志不可掩也。察然  
而流于俗。衆庶之志流順世俗故易于昭鑒。同于道故不與俗浮沉。  
言大人合道故超俗。或曰。修行者不爲人耻。諸神明其至也。  
乎曰。未也。自耻者本也。耻諸神明其次也。耻諸人外  
矣。夫惟外則慝。積于內矣。故君子審乎自耻。德比  
于上。上謂聖賢。欲比于下。下謂貧賤。德比于上。故知耻。欲比于  
下。故知足。耻而知之。則聖賢其可幾。知足而已。則固

陋其可安也。聖賢斯幾。況其爲慝乎。固陋斯安。况其  
爲侈乎。是謂有檢。純乎純哉。其上也。其次得槩而已  
矣。莫匪槩也。得其槩。苟無邪。斯可矣。雜言

申鑒五卷。漢荀悅著。悅仕獻帝朝。辟魯操府。與孔  
融及弟或同侍講。禁中悅每有獻替。而意未有盡。  
此申鑒所爲作者。蓋有志于經世也。然當時政體。  
顧有大于總攬稅務。使權不下移者乎。而曾無一  
言及之。何哉。厥後融以論建漸廣。或以不阿九錫。  
皆不得其死。悅獨優游以壽終。其亦善處濁世者  
矣。其論政體無賈誼之經制。而近于醇無劉向之



憤激而長于諷其襍言等篇頗似揚雄法言雄曲  
意美新而悅無一言及於操視雄爲優矣王鑒序

潛夫論

東漢王符

夫道成于學而藏于書學進于振而廢于窮是故董  
仲舒終身不問家事景君明經年不出戶庭得銳精  
其學而顯昭其業者家富也富佚若彼而能勤精若  
此者材子也倪寬賣力于都巷匡衡自鬻于保徒者  
身貧也貧阨若彼而能進學若此者秀士也讚昔曹  
羈有言守天之聚必施其德義德義弗施聚必有闕  
今或家賑而貸乏遺賑貧窮恤矜疾苦則必不久居

豫甲亦可  
豫政否則  
不寢道矣  
不宿義矣

富矣。易曰：天道虧盈以益謙，故仁以義費于彼者，天  
賞之于此，以邪取于前者，衰之于後。務本無德而富貴  
者，固可豫吊也。且夫利物莫不天之財也，天之制此  
財也，猶國君之有府庫也。賦賞奪與各有衆寡，民豈  
得彊取多哉？故人有無德而富貴，是凶民之竊官位  
盜府庫者也。終必覺覺，必誅矣。盜人必誅，況乃盜天  
乎？得無受禍焉？雖有南面之尊，公侯之位，德義有  
殆，禮義不斑，撓志如芷，負心若芬，固弗爲也。是故雖  
有四海之主，弗能與之方名；列國之君，不能與之鈞  
重。通京房數與元帝論難使制考功而選守，鼂錯雅



爲景帝所知使漢法而不亂。夫二子之于君也可謂見知深而寵愛殊矣。然京房冤死而上曾不知。鼂錯旣斬而帝乃悔。此材明未足以衛身故及難邪。唯人聖爲能無累乎。然也。帝乙以義故囚文王以仁故拘夫體至行仁義據南面師尹卿士且猶不能無難。然則夫子削迹叔嚮縲紲屈原放沈賈誼貶黜鍾離廢替何敝束縛。王章抵罪平阿斥逐。蓋其輕上者也。今世主之于士也。目見賢則不敢用耳。聞賢則恨不及。雖自有知也。猶不能取。必更待群司之所舉。則亦懼失麟鹿而獲艾豨。柰何其不分者也。未遇風之變。

中論章句  
下已然矣  
手正訟畢

者故也。俾使一朝奇政兩集。則險隘之徒。闖茸之質。亦將別矣。賢難多博士議郎。以言語爲職。諫諍爲官。及選茂才孝廉。賢良方正。惇樸有道。明經寬博。武猛治劇。此皆名自命而號自定。群臣所當盡情竭慮。稱君詔也。今則不然。令長守相。不思立功。貪殘專恣。不奉法令。侵冤小民。州司不治。令遠詣闕。上書訟訴。尚書不以責三公。三公不以讓州郡。州郡不以討縣邑。是以充惡狡猾。易相冤也。侍中博士。諫議之官。或處位歷年。終無進賢嫉惡。拾遺補闕之語。而貶黜之憂。群僚舉士者。或以頑魯應茂才。以桀逆應至孝。以貪饕



中庸豈取  
一生之勝  
設是爲天

應廉吏以狡猾應方正以諛諂應直言以輕薄應敦  
厚以空虛應有道以器聞應明經以殘酷應寬博以  
怯弱應武猛以頑愚應治劇名實不相副求貢不相  
稱富者乘其材力貴者阻其勢要以錢多爲賢以剛  
強爲上凡在位所以多非其人而官聽所以數亂荒  
也聖人爲天口賢人爲聖譯是故聖人之言天之  
心也賢者之所說聖人之意也考績夫生飭稊梁旨酒  
甘醪所以養生也而病人惡之以爲不若菽麥糟糠  
欲清者此其將死之候也尊賢任能信忠納諫所以  
爲安也而闇君惡之以爲不若姦佞闇茸讒諛言者

中論將上  
千惡以反  
天常

此其將亡之徵

思賢

王莽與漢公卿牧守奪漢光武與

漢之遺民棄土其誅如貴人必賢而忠賤人必愚而

欺則何以若是自成帝以降至于莽公卿列侯下訖

令尉大小之官且十萬人皆自漢所謂賢明忠正貴

寵之士也莽之篡位唯安衆侯劉崇東郡太守翟義

思事君之禮義勇奮發欲誅莽功雖不成志節可紀

夫以十萬之計其能奉報恩二人而已由此觀之衰

世群臣誠少賢也今世得位之徒依女妹之寵以

驕士藉亢龍之勢以陵賢而欲使志義之士匍匐曲

躬以事己段顏諂諛以求親然後乃保持之則直士



採薇凍餒伏死巖穴之中而已爾豈有肯踐其闕而  
交其人者哉。政本白起蒙恬秦以爲功天以爲賊息夫  
董賢主以爲忠天以爲盜。歷觀前世貴人之用心  
也。與嬰兒等。嬰兒有常病。貴人有常禍。父母有常失。  
人君有常過。嬰兒常病傷飽也。貴人常禍傷寵也。忠貞  
公卿刺史掾從事茂才孝廉。且二百員。歷察其狀德  
侔顏淵。卜冉。其行能多不及中。誠使皆如狀文。則  
是爲歲得大賢二百也。然則災異曷爲譏此。非其實  
之効。夫說梁飮食肉有好于面。因而不若糲粢藜烝  
之可食于口也。圖西施毛嫵可悅于心。而不若醜妻

陋、妄、之、可、御、于、前、也、虛、張、高、譽、彊、蔽、疵、瑕、以、相、誑、耀、  
有、快、于、耳、而、不、若、忠、選、實、行、可、任、于、官、也、夫、高、論、  
而、相、欺、不、若、忠、論、而、誠、實、且、攻、玉、以、石、治、金、以、鹽、濯、  
錦、以、魚、浣、布、以、灰、夫、物、固、有、以、賤、治、貴、以、醜、治、好、者、  
矣、貢實昔、宣、皇、帝、興、于、民、間、深、知、之、故、常、嘆、曰、萬、民、所、  
以、出、里、無、憂、患、者、政、平、訟、治、也、與、我、共、此、者、其、惟、  
良、二、千、石、于、是、明、選、守、相、其、初、除、者、必、躬、見、之、觀、其、  
志、趣、以、昭、其、能、明、察、其、治、重、其、刑、賞、姦、宄、減、少、戶、口、  
增、息、者、賞、賜、金、帛、爵、至、封、侯、其、耗、亂、無、狀、者、皆、銜、刀、  
瀝、血、于、市、賞、重、而、信、罰、痛、而、必、群、臣、畏、勸、兢、思、其、職、



故能致治安而世升平降鳳凰而來麒麟天人悅喜  
符瑞並臻功德茂盛立爲中宗由此觀之牧守大臣  
者誠盛衰之本原也不可不選練也法令賞罰者誠  
治亂之樞機也不可不嚴行也三式非獨鄉部辭訟也  
武官斷獄亦皆始見枉于小吏終重寃于大臣怨故  
未讐輒逢赦令不得復治正士懷寃結而不得信猾  
吏崇姦宄而不痛坐郡縣所以易侵小民而天下所  
以多饒窮也于上天感動降災傷穀俱以人功見事  
言之今自三府以下至于縣道鄉亭及從事督郵有  
典之司民廢農桑而守之辭訟告訴及以官事應對

吏者一人之日廢十萬人復下計之一人有事二人獲餉是爲日三十萬人離其業也以中農率之則是歲三百萬口受其饑也然則盜賊何從消太平何從作孝明皇帝嘗問今旦何得無上書者左右對曰反支故帝曰民旣廢農遠來詣闕而復使避反支是則又奪其日而寬之也乃敕公車受章無避反支上明聖主爲民愛日如此而有司輕奪民時如彼蓋所謂有君無臣有主無佐元首聰明股肱怠惰者也日愛脉脉規規常懷奸唯昧冒前利不顧廉恥苟且中後日偷解奴抵以致禍變者此屈是也非唯細民爲然



自封王侯貴戚豪富尤多宇之俛舉驕奢以作淫侈  
高負千萬不肯償責小民守門號哭啼呼曾無怵惕  
慙怍哀矜之意苟崇聚酒徒無行之人傳空引滿嘲  
嗽罵詈晝夜鄂鄂慢游是好或毆擊責主人于死亡  
郡盜攻剽劫人無異雖會赦贖不當復得在選辟之  
科而州司公府反爭取之且觀諸敢妄驕奢而作大  
責者必非救飢寒而解困急振貧窮而行禮義者也  
咸以崇驕奢而奉淫湎爾春秋之義責知誅率孝文  
皇帝至寡動欲任德然河陽侯陳信坐負六日免國  
孝武仁明周陽侯田彭祖坐當軹侯宅而不與免國

黎陽侯邵延坐不出持馬身斬國除二帝豈樂以錢  
財之故而傷大臣哉乃欲絕詐欺之端必國家法防  
禍亂之原以利民也訟斷假使公卿子弟有被羗禍朝  
夕切急如邊民者則競言當誅羗矣今苟以已無慘  
怛冤痛故端坐相仍又不明修禦之備陶陶間澹臥  
委天聽羗獨往來深入多殺已乃陸陸相將詣闕諧  
辭禮謝退云狀會坐朝堂則無憂國哀民懇惻之誠  
苟轉相顧望莫肯違止日晏時移議無所定已且須  
後少得小安則恬然棄忘旬時之間虜復爲害軍書  
交馳羽檄狎至乃復怔忡如前若此以來出入九載



庶曰式臧覆出爲惡。何何潰潰當何終極。春秋譏鄭

棄其師。況棄人乎。救羌始反時。計謀未善。黨與未成。

人衆未合。兵器未備。或持竹木枝。或空手相附。草食

散亂。未有都督。甚易破也。然大守令長皆驚怯。畏便

不敢擊。故令虜遂乘勝上疆。破州滅郡。日長炎炎。滅

破三輔。覃及鬼方。若此。已積十歲矣。百姓被害。迄今

不止。而癡兒騃子。尚云不當救助。且待天時。用意若

此。豈人也哉。今公卿苟以已不被傷。故競割國家

之地。以與敵殺。主上之民。以餒羌爲謀。若此。未可謂

知爲臣。若此。未可謂忠。邊夫制國者。必照察遠近之

情僞預禍福之所來乃能盡群臣之筋力而保興其  
邦家前羌始判草創新起器械未備虜或持銅鏡以  
象兵或負板案以類楯惶懼擾攘未能相持一城易  
制爾郡縣皆大熾及百姓暴被殃害亡失財貨人哀  
奮怒各欲報讐而將帥皆怯劣軟弱不敢討擊但坐  
調文書以欺朝廷實殺民百則言一殺虜十則言百  
或虜實多而實之少或實少而謂之多傾側巧文要  
取便身利已而非獨憂國之大計哀民之死亡也又  
放散錢穀殫盡府庫乃復從民假貸彊奪財貨千萬  
之家削身無餘萬民遺竭因隨以死亡者皆吏所餓



殺也其爲酷痛甚于逢害寇鈔賊虜忽然而過未必  
死傷至使所搜索剽奪游踵塗地或覆宗滅族絕無  
種類或孤婦女爲人奴婢遠見販賣至今不能自治  
者不可勝數也此之感天致災尤逆陰陽且夫士重  
遷戀墓墳墓賢不肖之所同也民之于徙甚于伏法  
伏法不過家一人死爾諸亡失財貨奪土遠移不習  
風俗不便水土類多滅門少能還者代馬望北狐死  
首丘邊民謹頓尤惡內雷雖知禍人猶願守其緒業  
死其本處誠不欲去之極太守令長畏惡軍事皆  
素非此土之人痛不著身禍不及我家故爭郡

猛讀一過  
長爲之監

內遷至遣吏發兵民禾稼廢徹屋室夷其營壁破  
生業彊劫驅掠與其內入捐棄羸弱使死其處當此  
之時萬民怨痛泣血叫號誠愁鬼神而感天心然小  
民謹劣不能自達闕庭依官吏家迫將威嚴不敢有  
摯民旣奪土失業又遭蝗旱飢遺逐道東走流離分  
散幽冀兗豫荆楊蜀漢飢餓死亾復失大半邊地遂  
以兵荒至今無人原禍所起皆吏過爾實韓安國能  
遺田貲五百金而不能賑一窮翟方進稱淳于長而  
不能薦士夫安國方進前世之忠良也而猶若此  
則又況乎未塗之下相哉聖人常慎微以敦其終



富貴未必可重貧賤未必可輕人心不同好度量相  
萬億許由讓其帝位俗人有爭縣職孟軻辭祿萬鍾  
小夫貪于升食世有可患者三三者何曰情實薄  
而辭稱厚念實忽而文想憂懷不來而外克期不信  
則懼失賢信之則誑誤人此俗士可厭之甚者也變際  
國有傷聰之政則民多病身有傷賢之政則賢多橫  
夭夫形體骨幹爲堅彊也然猶隨政變易又況乎心  
氣精微不可養哉孝成終沒之日不知王章之直  
孝哀終沒之日不知王嘉之忠也此後賢雖有憂君  
哀主之情忠誠正直之節然猶且沉吟觀聽行已者

也。聖深知之。皆務正已。以爲表明禮義。以爲教和。

德氣于木生之前。正表義于咳笑之後。民之昭也。合。

中和以成其生也。立方正以長。是以爲仁義之心。廉。

耻之志。骨著脉通。與體俱生。而無龕穢之氣。無邪淫。

之欲。雖放之大荒之外。措之幽冥之內。終無違禮之。

行。投之危亡之地。納之鋒鏑之間。終無苟全之心。舉。

世之人。行皆若此。則又烏所得亡。夫姦亂之民。而加。

辟哉。

德化

風俗通義

東漢應劭

予以空僞承乏東嶽忝素六載數聘祈祠客問長老



通風俗通  
行世而此  
書尤鉅

賢通上泰山者云謂璽處尅石文昧難知也殊無有  
金篋玉牒探籌之事春秋以爲傳聞不如親見見之  
人斯爲審矣傳曰五帝聖焉死三王仁焉死五伯智  
焉死其隕落崩薨之日不能咸至百年詩云三后在天  
論語曰古皆沒太史記黃帝葬于橋山騎龍升天  
豈不恠乎烏號弓者柘桑之林枝條暢茂烏登其上  
下垂著地烏適飛去後從撥殺取以爲弓因名烏號  
耳封泰山  
禪梁父或人問曰楊雄以爲處義神農黃帝堯舜  
殞落文王葬畢孔子葬魯城之北獨不愛其死乎知  
非人之所能也生乎生乎吾恐名生而實死也國家

辨明 帝 非 祀 王 喬

畏天之威思求譴告故于上西門城上候望近太史

寺令丞躬親靈臺位國之陽之安別在宮中懼有得

失故參之也何有伺一飛鳧遂建其處乎世之矯誣

豈一事哉葉令祠俗說燕太子丹為質于秦始皇執欲

殺之言能致此瑞者可得生活丹有神靈天為感應

于是建使歸國謹按太史記燕太子丹與秦始皇遇

之益不善丹恐而亡歸歸求勇士荆軻秦武陽函樊

於期之首貢督亢之地圖秦王大悅禮而見之變起

兩楹之間事敗而荆軻立死始皇大怒乃益發兵伐

燕王走保遼東使使斬丹以謝秦燕亦遂滅丹畏



今之世  
得譽者  
以此

久述歸耳自爲其父所戮手足圯絕安在其能使而  
粟其餘云云乎原其所以有茲語者丹實好士無所  
愛恡也故閭閻小論飭成之耳燕太子丹天爲雨粟  
害足井上株劉向曰文帝本修黃老之言不甚好儒  
術其治尚清淨無爲以故禮樂庠序未修民俗未能  
大化苟溫飽完給所謂治安之國也其後匈奴數犯  
塞侵擾邊境單于深入寇掠賊害北地都尉殺略吏  
民係虜老弱驅畜產燒積聚候騎至甘泉烽火通長  
安京師震動無不憂懣是時大發興材官騎士十餘  
萬軍長安帝遣丞相灌嬰擊匈奴文帝自勞兵至太

原代郡由是北邊置屯待戰設備備胡兵連不解轉輸絡繹費損虛耗因以年歲穀不登百姓飢乏穀糴常至石五百時不升一錢前待詔賈捐之爲孝元皇帝言太宗時民賦四十斷獄四百餘案太宗時民重犯法治理不能過中宗之世七年天下斷獄四萬七千餘人如捐之言復不類前世斷獄皆以萬數不三百人文帝卽位二十三年日月薄蝕地數震動毀壞民廬舍關東二十九山同日崩潰水出河決酸棗大風壞都雨雹如飛李深者厚三尺狗馬及人皆生角大雪蝗蟲文帝下詔書曰間者陰陽不調日月



勅詔譽言  
失笑即文  
帝不少假  
借況臣子  
可以浪得  
名耶

薄蝕年穀不登大遭旱蝗飢饉之害謫見天地災及  
萬民丞相御史議可以佐百姓之急推此事類似不  
及太宗之世不可以爲升平上曰吾于臨朝統政施  
號令何如向未及對上謂向校尉帝師傅耆舊洽聞  
親事先帝歷見三世得失事無善惡如聞知之其言  
勿有所隱向曰文帝時政頗遺失皆所謂悔慙小疵  
耶。大中大夫鄧通以佞幸吮癰瘍瘰癧汁見愛擬于  
至親賜以蜀郡銅山令得鑄錢通私家之富侔于王  
者封君又爲微行數幸通家文帝代服不蜀襲氍毹  
騎駿馬從侍中近臣常侍期門武騎獵漸臺下馳射

狐兔畢雉刺彘是時待詔賈山諫以爲不宜數從郡國賢良吏出游獵重令此人負名不稱其與及太中大夫賈誼亦數陳止遊獵是時誼與鄧通俱侍中同位誼又惡通爲人數廷譏之由是疏遠遷爲長沙太傅旣之官內不自得及渡湘水投吊書曰關茸尊顯佞諛得意以哀屈原離讒邪之咎亦因自傷爲鄧通等所愬也成帝曰其治天下孰與孝宣皇帝向曰中宗之世政教明法令行邊境安四夷親單于欽塞天下殷富百姓康樂其治過于太宗之時亦以遭遇匈奴賓服四夷和親也上曰後世皆言文帝治天下幾



前孝文帝  
宣俱精確  
此劉向弟  
一篇文字

含咽妙

觀朔劇武  
帝獻劇群  
臣真可厭  
薄惟勅董  
假諫起上  
沐苑旱頭

至太平其德比周成王此語何從生向對曰生于言  
事文帝禮言事者不傷其意群臣無小大至即便從  
容言上止輦聽之其言可者稱善不可者喜笑而已  
言事多褒之後人見遺文則以為然文帝之節儉  
約身以率先天下忍容言者含咽臣子之短此亦過  
人難及似出于孝宣皇帝者也如其聰明遠識不忘  
數十年事制持萬機天資治理之材恐文帝亦且不  
及孝宣皇帝孝文帝朔文辭不遜高自稱譽由是見偉  
稍益親幸官至太中大夫倡優畜之不豫國政劉向  
少時數問長老賢通于事及朔時人皆云朔口諧倡

辯不能持論喜爲凡庸誦說故今後世多傳聞者而  
揚雄亦以爲朔言不純師行不純德其流風遺書蔑  
如也然朔所以名過其實以其恢誕多端不名一行  
應諧似優不窮似智正諫似直穢德似隱非夷齊是  
桺惠其滑稽之雄乎朔之逢古射覆其事浮淺行于  
衆僮兒牧豎莫不眩耀而後之好事者因取奇言惟  
語附著之耳安在能神聖歷世爲輔佐哉朔東方謹按

漢書淮南王安天資辨博善爲文辭孝武以屬諸父  
甚尊之招募方伎恠迂之人述神仙黃白之事財殫  
力屈無能成獲親伏白刃與衆棄之安在其能神



仙乎。安所養士。或頗漏亡。耻其如此。因飾詐說。後人

吠聲。遂傳行耳。淮南王安神仙秦漢以天子之貴。四海之富。

淮南竭一國之貢稅。向假尚方之饒。然不能有成者。

夫物之變化。固自有極。王陽何人。獨能乎哉。語曰。金

不可作。世不可度。王陽居官食祿。雖爲鮮明車馬衣

服。亦能幾所。何足怪之。乃傳俗說。班固之論陋。于是

矣。王陽能黃金河南尹大山羊。翩祖在家。平原相封子衡。

墓。母子衡故臨太山。數十日。時翩祖去河南矣。子衡

四從子。舅慈復爲太山士大夫。用此行者數百人。

齊衰經帶。時與太尉府自幼婦家。故侍御史胡毋

皮獨過相候求欲作衰謂君不爲子衡作吏何制服  
曰衆人若此不可獨否又謂足下徑行自可今反相  
歷令子失禮僕豫愆古有吊服可依其制因爲裁編  
冠幘袍單衣定大爲同作所非然潁川有識陳元方  
韓元長蔡母廣明咸嘉是焉謹按禮爲舊君齊衰三  
月謂策名委質爲臣使者也子衡臨郡日淺無他功  
惠又非其身嗣祖位則亞卿雅有令稱義當綱紀人  
倫爲之節文而首倡導犯禮違制使東嶽一郡朦朦  
焉豈不愍哉由邨人失兄子臯爲之衰雖失于子衡  
歸於舅慈者矣太原郝子廉飢不得食寒不得衣



一介不取諸人曾過姊飯畱十五錢默置席下去每  
行飲水常投一錢井中按士相見之禮贄用脍雉受  
而不拒而交答焉唯祭飯然後拜之孔子食於施氏  
未嘗不飽何有同生之家而顧錢者哉傷恩薄禮弊  
之至也孟軻譏仲子吐鵲鵲之羹而食井上苦李飽  
焦耕田而食穿井而飲非妻所織不衣餓于山中食  
棗或問之此棗子所種耶遂嘔吐立枯而死世不乏  
異惟其似旃孔子疾時貪昧退思狂狷狷者有所不  
爲亦其介也公車徵士豫章徐孺子比爲太尉黃  
瓊所辟禮文有加孺子隱者初不答命瓊薨旣葬負

笥、并、涉、齋、一、盤、醢、哭、于、墳、前、孫、子、琰、故、五、官、中、郎、將、  
以、長、孫、制、杖、聞、有、哭、者、不、知、其、誰、亦、于、倚、廬、哀、泣、而、  
已、孺、子、無、有、謁、刺、事、訖、便、去、子、琰、大、怪、其、故、遣、瓊、門、  
生、茅、季、瑋、追、請、辭、謝、終、不、肯、還、謹、按、禮、凡、吊、喪、者、既、  
哭、興、踊、進、問、其、故、哀、之、至、也、孺、子、所、以、經、三、千、里、越、  
度、山、川、而、親、至、者、非、徒、徇、于、已、顧、義、報、乎、哭、醢、墳、前、  
是、也、訖、當、卽、其、帳、衾、問、勞、子、琰、子、琰、宿、有、善、名、在、禮、  
無、違、儻、見、微、闕、教、誨、可、乎、如、何、儻、忽、甚、于、路、人、昔、黔、  
敖、忽、于、嗟、來、然、君、子、猶、以、爲、其、嗟、可、去、謝、可、食、今、與、  
黃、有、恩、故、矣、孝、子、寢、伏、苦、塊、又、解、已、到、便、詣、墳、無、介、



夫何爲哉。孔子稱大哉中庸之爲德其至矣乎又

曰君子之道忠恕而已至于許以爲直隱以爲義枉

以爲厚僞以爲名此衆人之所致譽而明主之所必

討蓋觀過知仁謂中心篤誠而無妨于化者故覆其

違理曰過譽也。汝南楚之界也其俗急疾有氣決

郢

然自君章之後轉相放式好于上怵伎以采名譽未

流論起于愛憎政在陪隸也。河內殷之舊都國分

爲三康叔之風既激而紂之化由存其俗士大夫

矜好大言而少實行。此爲河內趙仲讓密乘舉人君

者闢門關窓號咷博求得賢而賞聞善若驚無適也

莫也。周不綜臧否而務蘊崇之。韓演不唯善是務。

越此一聚夫。不擇而強用之。與可用而敗之。其罪一。

也。凡黔首皆五帝子孫。何獨今之肺腑當見優異。

也。宗廟之人。或在叨畝人之化也。何日之有舊時長。

吏質樸。子皆駕御。故曰從兒君臣父子。其揆一也。臣

不肯御乎。豈可然。公子遂偃蹇不使下陵上替。能無

亂乎。劉祖幸免罪戾而見褒賞。公孫于是失政刑矣。

宗正劉祖不。蜀郡太守潁川劉勝季陵去官在家閉。

門。却掃歲時致敬郡縣答問而已。無所褒貶。雖自枝。

葉莫力太僕杜密周甫亦去北海相在家每至郡縣。



多所陳說牋記括屬太守王昱頗厭苦之語次聞得  
京師書公卿舉故大臣劉季陵高士也當急見徵密  
知以見激因曰明府在九重之內臣吏惶畏天威莫  
敢盡情劉勝位故大夫見禮上賓俯伏甚于鼃蝟冷  
澁比如寒蟬無能往來此罪人也清雋就義隱居篤  
學時所不綜而密達之寃疑勳賢成陳之罪所折而  
密啟之明府賞賢得中令聞休揚雖自天然之姿猶  
有萬分之一詩不云乎爾我公田遂及我私人情所  
有庶不爲闕旣不善是多見說論夫何爲哉于是昱  
甚悅服待之彌厚 劉勝在約思純其靜已甚若時

意宴及言論折中亦無嫌也。杜密婆娑府縣于與王政就若所云猶有公私既見說切不楚坐謝負而多伐善以爲己力惟顏之厚博而俗矣。易稱懸象著明莫大乎日月然時有昏晦詩美滔滔江漢南北之紀然時有壅滯論語固天縱之莫盛于聖然時有困否日月不失其體故蔽而復明江漢不失其源故窮而復通聖人不失其德故廢而復興非唯聖人俾爾亶厚夫有恒者亦允臻矣是故君子厄窮而不閔勞瘁而不苟樂天知命無怨尤焉。謹按尚書曰人惟求舊詩云雖有兄弟不如友生論語久要不忘平生



之言周禮九兩友以任得民是以隋會圖其身而不  
遺其友鮑叔度其德而固推管子厥後陵遲彌已荆  
翫伐木有鳥鳴之刺谷風有棄予之怨陳餘張耳攜  
手逃秦友猶父子及據國爭權還爲豺虎自漢所稱  
王貢彈冠蕭朱結綬博育復隙其後始以交爲難況  
容悅偶合而能申固其好者哉故長平之吏移于冠  
軍魏其之客移于武安鄭當汲黯亦旋復然翟公疾  
之乃書其門一死一生乃知交情一貴一賤交情乃  
見自古患焉非直今也韓信寵秩出跨下之人斯難  
能也安國不念舊惡合禮中平李廣因威歸忿非義

之理宜尼暨陳皆降而復升兼濟天下惟虞卿逼于  
彊秦獨善其身續述篇籍垂訓後昆昔子夏心戰則  
癯道勝如肥何必高位豐爵以爲融懿也高后崩

諸呂作亂欲危社稷章與周勃共誅滅之尊立文帝

封城陽王賜黃金千斤立二年薨城陽今莒縣是也

日鄆琊青州六郡及渤海都邑鄉亭聚落皆爲立祠

造飾五二千石車商人次第爲之立服帶綬備置官

屬烹殺謳歌紛籍連日轉相誑曜言有神明其譴問

祠福立應歷載彌久莫之匡糾唯樂安太傅陳蕃濟

南相曹操一切禁絕肅然政清陳曹之後稍復如故



安有鬼神能爲病者哉予爲營陵令以爲章本封朱  
虛并食此縣春秋國語以勞定國能禦大災凡在于  
他尚列祀典章親高祖之孫進說耕田軍法行酒時  
固、有、大、志、矣、及、誅、諸、呂、尊、立、太、宗、功、冠、天、下、社、稷、以、  
寧、同、姓、如、此、功、烈、如、彼、餘、郡、禁、之、可、也、朱、虛、與、莒、宜、  
常、血、食、于、是、乃、移、書、曰、到、聞、此、俗、舊、多、淫、祀、靡、財、妨、  
農、長、亂、積、惑、其、侈、可、忿、其、愚、可、愍、昔、仲、尼、不、許、子、路、  
之、禱、晉、悼、不、解、桑、林、之、祟、死、生、有、命、吉、凶、由、人、哀、哉、  
黔、黎、漸、染、迷、謬、豈、樂、也、哉、莫、之、徵、耳、今、條、下、禁、申、約、  
吏、民、爲、陳、利、害、其、有、犯、者、便、收、朝、廷、若、私、遺、脫、彌、彌、

不絕主者髡截歎無反已城陽景王縣甚尊之惟王  
弱冠內侍帷幄呂氏恣睢將危漢室獨見先識權發  
酒令抑邪扶正忠義洪毅其歆裡祀禮亦宜之于駕  
乘烹殺倡優男女雜錯是何謂也三邊紛拏師老器  
弊朝廷盱食百姓囂然禮興在有年飢則損自今聽  
歲再祀備物而已不得殺牛遠迎他倡賦會宗落造  
設紛華方廉察之明爲身計而復僭失罰與上同明  
除見處勿後中覺

城陽景王祠

昔仲尼沒而微言闕七十子喪而大義乖重遭戰  
國約從連橫好惡殊心真僞紛爭故春秋分爲五



詩分爲四易有數家之傳並以諸子百家之言紛然殽亂莫知所從。漢興儒者競復比誼會意爲之。章句家有五六。皆析文便辭。彌以馳遠。綴文之士。雜襲龍鱗。訓註說難。轉相陵高。積如丘山。可謂繁富者矣。而至于俗間行語。衆所共傳。積非習貫。莫能原察。今王室大壞。九州幅裂。亂非有定。生民無幾。私懼後進益以迷昧。聊以不才。舉爾所知。方以類聚。凡十一卷。謂之風俗通義。言通于流俗之過。謬而事該之于義理也。風者天氣有寒煖。地形有陰陽。水泉有美惡。草木有剛柔也。俗者含血之類。

像之而生。故言語歌謳異聲。鼓舞動作殊形。或直  
或邪。或善或淫也。聖人作而均齊之。咸歸于正。聖  
人廢則還其本俗。尚書天子巡守。至于岱宗。覲諸  
侯。見百年命大師陳詩。以觀民風俗。孝經曰。移風  
易俗。莫善于樂。傳曰。百里不同風。千里不同俗。戶  
異政。人殊服。由此言之。爲政之要。辯風正俗。最具  
上也。自敘

白虎通德論

東漢班固

皇君也。美也大也。天之惣美大稱也。時質故惣之也。  
號之爲皇者。煌煌人莫違也。煩一夫擾一士以勞天



制臨決班  
固傳曰天  
子嘗諸儒  
講論五經  
作白虎通  
德論令國  
撰錄其事  
此書所作  
之因也

白虎通註  
解字義似  
王制公一  
孤字疏絲  
起要非確  
理

下不爲皇也不擾匹夫匹婦故爲皇故黃金棄于山  
珠玉捐于淵巖居穴處衣皮毛飲泉液吮露英虛無  
廖廓與天地通靈也謂之伏羲者何古之時未有  
三綱六紀民人但知其母不知其父能覆前而不能  
覆後臥之誌誌起之吁吁飢卽求食飽卽棄餘茹毛  
飲血而衣皮葦于是伏羲仰觀象于天府察法于地  
因夫婦正五行始定人道畫八卦以治下治下伏而  
化之故謂之伏羲也號謚或一言或兩言何文者以  
一言爲謚質者以兩言爲謚故尚書曰高宗殷宗也  
湯死後世稱成湯以兩言爲謚也號無質文謚有質

文何號者始也。爲本故不可變也。周已後用意尤文以爲本生時號令善故有善謚故舍文武王也。說五

行所以更王何以其轉相生故有終始也。木生火火生土土生金金生水水生木是以木王火相土死金囚水休王所勝老死囚故王者休見王火相何以知爲臣土所以死者子爲父報仇者也。五行之子慎之物歸母木王火相金成其火燹金金生水水滅火報其理火生土土則害水莫能而禦五行所以相害者天地之性衆勝寡故水勝火也精勝堅故火勝金剛勝柔故金勝木專勝散故木勝土實勝虛故土勝水



也。火陽君之象也。水陰臣之義也。臣所以勝其君何。此謂無道之君也。故爲衆陰所害。猶紂王也。是使水德施行。金以益之。土以應之。欲溫則溫。欲寒則寒。亦何從得害火乎。曰五行各自有陰陽。木生火。所以還燒其母。何曰金勝木。火欲爲木害。金金者堅強難消。故母以遜。驪助火燒金。此自欲成子之義。又陽道不相離。故爲兩成。火死子乃繼之也。水木可食。金火土不可食。何木者陽陽者施生。故可食。火者陰在內。金者陰。嗇。故不可食。火水所以殺人。何木盛氣也。故入而殺人。火陰在內。故殺人。壯于水也。金木微氣。故。

底之者性  
五行無有  
不加人工  
者

不能自殺人也。火不可入其中者。陰在內也。入則殺  
人矣。水土陽在內。故可入其中。金木微氣也。精密不  
可得入也。水火不可加人功。爲用金木。加人功。何火  
者。盛陽水者。盛陰者也。氣盛不變。故不可加人功。爲  
人用。金木者。不能自成。故須人加功。以爲人用也。五  
行之性。火熱水寒。有溫水無寒火。何明臣可以爲君  
君不可更爲臣。五行常在火。乍亡何水。太陰也。刑者  
故常在金。少陰木。少陽微氣。無變故亦常在火。太陽  
精微人君之象。象尊常藏。猶天子居九重之內。臣下  
循之也。藏于水者。依于仁也。水自主。金須人取之。乃



成陰卑不能自成也木所以浮金所以沉何子生于  
母之義肝所以沉肺所以浮何有知者尊其母也  
子不肯禪何法法四時火不興上而興金也父死子  
繼何法法木終火王也兄死弟及何法法夏之承春  
也善善及子孫何法法春生待夏復長也惡惡止其  
身何法法秋煞不待冬也主幼臣攝政何法法土用  
事于季孟之間也子之復讐何法法土勝水水勝火  
也子順父臣順君妻順夫何法法地順天也男不離  
父母何法法火不離木也女離父母何法法水流  
金也娶妻親迎何法法日入陽下陰也君讓臣何法

法月三十日名其功也善稱君過稱已何法法陰陽  
共敘共生陽名生陰名煞臣有功歸于君何法法歸  
明于日也臣法君何法法金正木也子諫父何法法  
火揉直木也臣諫君不從則去何法法水潤下達于  
上也君子遠子近孫何法法木遠火近土也親屬臣  
諫不相去何法法水木枝葉不相離也父爲子隱何  
法法木之藏火也子爲父隱何法法水逃金也君有  
衆民何法法天有衆星也王者賜先親近後疎遠何  
法法天雨高者先得之也長幼何法法四時有孟仲  
季也朋友何法法水合流相承也父母生子養長子

法○語○佳○訓○我○勉○強○



何法法春生木長大也子養父母何法法夏養長木  
此火養木也不以父命廢主命何法法金不畏土而  
畏火陽舒陰急何法法日行遲月行疾也有分土無  
分民何法法四時各有分而所生者通也若言東東  
方天下皆生也君一娶九女何法法九州象天之施  
也不娶同姓何法法五行異類乃相生也子喪父母  
何法法木不見水則憔悴也喪三年何法法三年一  
閏天道終也父喪子夫喪妻何法法一歲物有終始  
天氣亦爲之變也年六十閉房何法法六月陽氣衰  
也人有五臟六腑何法法五行六合也人目何法法

日○月○明○也○日○照○晝○月○照○夜○人○目○所○不○更○照○何○法○目○亦○  
更○用○事○也○王○者○監○二○王○之○後○何○法○法○木○須○金○以○正○須○  
水○以○潤○也○明○王○先○賞○後○罰○何○法○法○四○時○先○生○後○煞○也○  
五○一○與○齊○終○身○不○改○此○地○無○去○天○之○義○也○子○諫○父○不○  
去○者○父○子○一○體○而○分○無○相○離○之○法○猶○火○去○木○而○滅○也○  
論○語○事○父○母○幾○諫○下○言○又○敬○不○違○臣○之○諫○君○何○取○法○  
法○金○正○木○也○子○之○諫○父○法○火○以○揉○木○也○臣○諫○君○以○義○  
故○折○正○之○也○子○諫○父○以○恩○故○但○揉○之○也○木○無○毀○傷○也○  
待○放○木○取○法○于○水○火○無○金○則○相○離○也○諫○者○何○諫○間○也○  
因○也○更○也○是○非○相○間○革○更○其○行○也○人○懷○五○常○故○有○五○



諫謂諷諫順諫窺諫指諫伯諫諷者智也患禍之萌  
深睹其事未彰而諷告此智性也順諫者仁也出辭  
遜順不逆君心仁之性也窺諫者禮也視君顏色不  
悅且卻悅則復前以禮進退此禮之性也指諫者信  
也指質相其事也此信之性也伯諫者義也惻隱發  
于中直言國之害勵志忘生爲君不避喪身義之性  
也兄弟相爲隱乎曰然與父子同義故周公誅四  
國常以祿甫爲主也朋友相爲隱者人本接朋結友  
爲欲立身揚名也朋友之道四焉通財不在其中近  
則正之遠則稱之樂則思之患則死之夫妻相爲隱

乎傳曰曾去妻黎蒸不熟問曰婦有七出不蒸亦預  
乎曰吾聞之也絕交令可友棄妻令可嫁也黎蒸不  
熟而已何問其故乎此爲隱之也諫天子所以親射  
何助陽氣達萬物也春風微弱恐物有窒塞不能自  
達者夫射自內發外貫堅入剛象物之生故以射達  
之也含文嘉曰天子射熊諸侯射麋大夫射虎豹士  
射鹿豕天子所以射熊何示服猛巧佞也熊爲獸猛  
巧者非但當服猛也示當服天下巧佞之臣也諸侯  
射麋者示達迷惑人也麋之言迷也大夫射虎豹者  
小服猛也士射鹿豕者示除害也名取德所能服也



大夫士兩射者人臣示爲君親視事身勞苦也或曰臣陰故數偶也侯者以布爲之何用人事之始也本正則未正矣所以名爲侯何明諸侯有不朝者則射之故禮射祝曰嗟爾不寧侯爾不朝于王所以故天下失業亢而射爾所以不射正身何君子重同類不忍射之故畫獸而射之不正言父兄言五更者何老者壽考也欲言所令者多也更者更也所更歷者衆也卽如是不但言老言三何欲言其明于天地人之道而老也五更者欲言其明于五行之道而更事也三老五更幾人乎曰各一人何以知之旣以父事

父。一。而。已。不。宜。有。三。鄉射月食救之者陰失明也故角

尾交日月食救之者謂夫人擊鏡傳人擊杖庶人之

妻楔桺災變禮曰夫賜樂者不得以時王之樂事其宗

廟也朱盛色戶所以紀民數也故民衆多賜朱戶也

古者人君下賢降階一等而禮之故進賢賜之納陛

以優之也既能進善當能戒惡故賜虎賁虎賁者所

以戒不虞而距惡距惡當斷刑故賜之鈇鉞鈇鉞所

以斷大刑刑罰既中則能征不義故賜弓矢弓矢所

以征不義伐無道也圭瓚秬鬯宗廟之盛禮故孝道

備而賜之秬鬯所以極著孝道孝道純備故內和外



榮玉以象德金以配情芬香條鬯以通神靈玉飾其  
本君子之性金飾其中君子之道君子有黃中通理  
之道美素德金者情和之至也玉者德美之至也鬯  
者芬香之至也君子有玉瓚和鬯乎車者以配道德  
也其至矣合天下之極美以通其志也其唯玉瓚和  
鬯乎考黜五玉者各何施蓋以爲璜以徵召璧以聘問  
璋以發兵珪以信質琮以起土功之事也圭以爲信  
者何珪者先上象物皆生見于上也信莫著于作見  
故以珪爲信而見萬物之始莫不自潔珪之爲言潔  
也上先陽也下方陰也陽尊故其禮順備也在位東

陽見義于上也。壁以聘問。何壁者。方中圓外象地。地道安寧而出財物。故以壁聘問也。方中陰德方也。圓外陰繫于陽也。陰德盛于內。故見象于內。位在中。央壁之爲言。積也。中央故有天地之象。所以據剛也。內方象地。外圓象天也。璜所以徵召。何璜者。半壁位。在北方。北陰極而陽始起。故象半陰。陽氣始施。徵召萬物。故以徵召也。不象陰。何陽始物微。未可見璜者。橫也。質尊之命也。陽氣橫于黃泉。故曰璜璜之爲言。光也。陽光所及。莫不動也。象君之威命。所加莫敢不從。陽之所施。無不節也。璋以發兵。何璋。半珪位在南。



方南方陽極而陰始起。兵亦陰也。故以發兵也不象其陰。何陰始起。物尚凝。未可象也。璋之爲言明也。賞罰之道。使臣之禮。當章明也。南方之時。萬物莫不章。故謂之璋。琮以起土功。發聚衆。何琮之爲言聖也。象萬物之宗。聚聖也。功之所成。故以起土功。發衆也。位西方。西方陽收。功于內。陰出。城于外。內圓象陽。外直爲陰。外牙而內湊。象聚會也。故謂之琮。后夫人之財也。五玉所施。非一不可勝條。畧舉大者也。合符信者。謂天子執琕。以朝諸侯。諸侯執圭。以覲天子。琕之爲言冒也。上有所覆。下有所冒。故覲禮曰。侯氏執圭。升

室。臣見君所以有贊何贊者質也。質已之誠致已之惓惓也。王者緣臣子心以爲之制。差其尊卑以副其意。公侯以玉爲贊者。玉取其燥不輕濕。不重公之德。全卿以羔者。取其群不黨。卿職在盡忠。率下不阿黨也。大夫以鴈爲贊者。取其飛成行列。大夫職在以奉命之適。四方動作當能自正以事君也。士以雉爲贊者。取其不可誘之以食。懼之以威。必死不可生。畜士行威守節死義不當移轉也。卿大夫贊變君與士贊不變何人。君至尊極美之物以爲質。士賤伏節死義一介之道也。故不變。子見父無贊何至親也。



見無時故無贅臣之事君以義合也得親供養故質  
已之誠副已之意故有贅也文王者必一質一文何  
以承天地順陰陽陽之道極則陰道受陰之道極則  
陽道受明二陰二陽不能相繼也質法天文法地而  
已故天爲質地受而化之養而成之故爲文尚書太  
傳曰王者一質一文據天地之道禮三正記曰質法  
天文法地也帝王始起先質後文者順天下之道本  
末之義先後之序也事莫不先有質性乃後有文章  
也三君羣也下之所歸心臣者纏堅也屬志自堅固  
父者矩也以法度教子子者孳孳無已也夫者

也。以道扶接也。婦者服也。以禮屈服。朋友之交。

近則誦其言。遠則不相訕。一人有善。其心好之。一人有惡。其心痛之。貨則通而不計。共憂患而相救生。不屬死。不託故。曰大饒爲之減食。大寒爲之不重裘。

綱三

六。肝所以仁者。何。肝木之精也。仁者好生。東方者陽

也。萬物始生於肝。象木色青。而有枝葉。目爲之候。何

目能出淚而不能內物。木亦能出枝葉。下能有所內。

也。肺所以義者。何。肺者金之精。義者斷決。西方亦金

成萬物也。故肺象金色白也。鼻爲之候。何。鼻出入氣。

高而有竅。山亦有金石累積。亦有孔穴。出雲布雨。以



潤天下雨則雲消鼻能出納氣心所以爲禮何心  
火之精也南方尊陽在上卑陰在下禮有尊卑故心  
象火色赤而銳也人有道尊天本在土故心下銳也  
耳爲之候何耳能遍內外別音語火照有似于禮上  
下分明腎所以智何腎者水之精智者進而止無所  
疑惑水亦進而不惑北方水故腎色黑水陰故腎雙  
竅爲之候何竅能瀉水亦能流濡脾所以信何脾者  
土之精也土尚任養萬物爲之象生物無所私信之  
至也故脾象上色黃也口爲之候何口能啖嘗舌能  
知味亦能出音聲吐滋液胃者脾之腑也脾主稟

氣胃者穀之委也。故脾稟氣也。膀胱者腎之腑也。腎者主瀉膀胱。常能有熱。故先決難也。三焦者包絡腑也。水穀之道路。氣之所終始也。故上焦若竅。中焦若編。下焦若瀆。膽者肝之腑也。肝者木之精也。主仁。仁者不忍。故以膽斷也。是以肝膽二者必有勇也。目爲心視。口爲心談。耳爲心聽。鼻爲心嗅。魂魄者何。謂魂猶佗佗也。行不休于外也。主于情。魄者迫然著人。主于性也。魂者芸也。情以除穢。魄者曰也。性以治內。性族者何也。族者湊也。聚也。謂恩愛相流湊也。生相親愛。死相哀痛。有會聚之道。故謂之族。宗天道一。



時物有變。人生三月。日煦亦能笑。與人相更答。故曰  
其始有知而名之。故禮服傳曰。子生三月。則父名之。  
于祖廟。于祖廟者。謂子之親廟也。明當爲宗祖主也。  
名姓

子佩佩子佩賦昔贈子之騶駒也。肥當爲宗。斷上山。  
其欲亦映而各之。荷甄別。軒曰子。坐三月。俱父各之。  
林。亦變入坐。三月。日。強。亦。強。與。人。林。更。各。各。各。



漢官馬第伯封禪儀記

應劭

車駕正月二十八日發雒陽宮二月九日到魯遣守  
謁者郭堅伯將徒五百人治泰山道十日曾遣宗室  
諸劉及孔氏瑕丘丁氏上壽受賜皆詣孔子宅賜酒  
肉十一日發十二日宿奉高是日遣虎賁郎將先上  
山三案行還益治道徒千人十五日始齊國家居太  
守府舍諸王居府中諸侯在縣庭中齋諸卿校尉將  
軍大人黃門郎百官及宋公衛公褒城侯東方諸侯  
雒中小侯齋城外汶水上太尉太常齋山虞馬伯第  
自云某等七十人先之山虞觀祭山壇及故明堂宮

郎官等郊肆處入其幕府觀治石石二枚狀博平圓  
九尺此壇上石也其一石武帝時石也時用五車不  
能上也因置山下爲屋號五車石四維距石長丈二  
廣三尺厚尺半所四枚檢石長二尺廣六寸狀如封  
篋長檢十枚一紀號石高丈二尺廣三尺厚尺二寸  
名曰立石一枚刻文字紀功德是朝上山騎行往往  
道峻峭不騎步牽馬乍步乍騎且相半至中觀畱馬  
陟奇去平地二十里南向極望無不觀仰望天闕如從谷  
底仰觀抗峰其爲高也如視浮雲其峻也石壁宵條  
如無道徑通望其人端如行朽兀或爲白石或雪久



之。白。者。移。過。樹。乃。知。是。人。也。殊。不。可。上。四。節。僵。臥。石。  
上。有。頃。復。蘇。亦。賴。齋。酒。脯。處。處。有。泉。水。目。輒。爲。之。明。  
復。勉。强。相。將。行。到。天。關。自。以。已。至。也。問。道。中。人。言。尚。  
十。餘。里。其。道。旁。山。脇。大。者。廣。八。九。尺。狹。者。五。六。尺。仰。  
視。巖。石。松。樹。鬱。鬱。蒼。蒼。若。在。雲。中。俛。視。谿。谷。碌。碌。不。  
可。見。丈。石。遂。至。天。門。之。下。仰。視。天。門。窅。窅。如。從。穴。中。  
視。天。直。上。七。里。賴。其。羊。腸。透。迤。名。曰。環。道。往。往。有。組。  
索。可。得。而。登。也。兩。從。者。扶。掖。前。人。相。牽。後。人。見。前。人。  
履。底。前。人。見。後。人。頂。如。畫。重。累。人。矣。所。謂。磨。胸。捍。石。  
捫。天。之。難。也。初。上。北。道。行。十。餘。步。一。休。稍。疲。咽。脣。焦。

五六步一休牒牒據頓地不避濕暗前有燥地日視

。類。之。道。之。半。

仍。以。僕。結。不。極。具。奇。

此。語。已。

而兩脚不隨早食上脯後到天門郭使者得銅物銅

物形狀如鐘又方柄有孔莫能識也疑封禪具也得

之者汝南召陵人姓楊名通東上一里餘得木甲木

甲者武帝時神也東北百餘步得封所始皇立石及

闕在南方漢武在其北二十餘步得比垂圓亭高九

尺方圓三丈所有兩陛人不得從上從東陞入臺上

有壇方一丈二尺所上有方石四維有距石四面有

似。少。觸。石。與。雲。之。致。然。故。以。受。重。為。貴。

闕鄉壇再拜謁人多置錢物壇上亦不掃除國家上

凡之則詔書所謂醴梨酸棗狼脍錢處數百將帛



具道是武帝封禪至泰山下未及上百官爲上跪。置梨棗錢于道以求福卽此也。東山名曰日觀者。鷄一鳴時見日始欲出。長三丈所。秦觀者。望見長安。吳觀者。望見會稽。周觀者。望見濟西。北有石室。壇以南有玉盤。中有玉龜。山南脇神泉。飲之極清美。利人。日入下去。行數環。日暮時。頗雨。不見其道。一人居前。則先知。蹈有人。乃舉足隨之。比至天門。下夜人定矣。

華嶠漢書曰。瑒祖奉字世叔。才敏善諷誦。故世稱應世叔。讀書五行俱下。著後序十餘篇。爲世篇者。延熹中。至司隸校尉。子劭字仲遠。亦博學多識。



好事諸所撰述風俗通等凡百餘篇







